

# Edekeone Itetemunitai

Chicago, Illinois, U.S.A.

61-0425B

1 Eyalama, Onac Carlson. Ido amalan nekus kere inacan kede anacan luijaanakinete Ejakait erai e... Amina eong icesawan aipup apalunit anyoun neapupio eong ajenanuto nukaumokin kwape kangun, kaceda, kwape kapupio eong atupuruc na. Kosodi do epaup kotoma ocan ka areo, kwape etorioto onac ka inaciwok luka Obaptist toma; kwape sek araar eong da elopet, loka Obaptist, ekalimonokinan loka Obaptist, ido-ido ajeni eong nuerai ngin ikonitunga...

Ajauna eong da kede ibore ngipengin. Ikatunga obe apotu angeroto eong, ido aomitos kesi ebe irengearete kesi eong awai naarai ebe abu ikerepik eong. Abu eong adum ebe, ido alimunun duc eong ngin kotoma adoketait naesubit balaepatana, "Arai ikerepikinit eong, ojalakisi eong elopet, 'naarai eyalama eong koipone kalo adepar kwa ajaar eong kede luacaete akwes." Kwangin erai ngin eipone aomisioit na adongit eong, naka eong elopet. Ido-ido cut abeit enumunum eong na-apak na najaut orot lo.

2 Ido Ekanisa loka Kristo kane onac, kwape etapitor oni anyarit nges, arai loka Campbell. Ido eitunit eong araas kesi lu cut asurokinitos kagogong ariamununeta napekigeunia oni. Konye, ijeni ijo, kijaar oni ediopet loanyaritari Paul apak adiopet arai kwape kwangin, ido abu ngesi koraun ediopet kotoma kaoni. Kwangin, erai ngin nakabeit. Aomit eong ebe ibore duc yenemootos kesi nges ajar najari ijo. Ijeni ijo, ejok ajarakin eong eong akirot adepar alimonokin eong, apak adio kere. Arai eong...

3 Apak ace kau, ajai ejaanakinan loapolon, etunganan lokajokan loka Full-Gospel, yesi kere-kere ijenete nges aomit eong, nges Ekimat Booth-Clibborn, elimonokini Eijiri kotoma angajepa akanykaarei nuegelegela. Ecobe ngesi. Ido eong...Erai ngesi loepol acoa. Ido ijai isio ilosi aupasi adiope pak, ido nges kede onac Moore kede eong, ido ijai isio aitamitam icebore. Ido ajai eong ewai loetegelikina kede kakes, kosodi ngesi asesen eong. Ebalala ebe, "Mam ijo ijeni ekonibaibuli." Ijeni ijo eipone loepedoria onac Booth alimun.

Abu eong atema ebe, "Erai ngin abeit, Onac Booth, konye ajeni eong Ekewadikan ejok cut." Kwangin, kwangin akoto eong-eong...Ijeni ijo, mam erai ajenun Akekirot nges Ajar, konye, "Ajenu Ngesi ngeserai Ajar." Edolit ngin. Iany ijo? Karaida ajeni eong Akekirot; korai bon eong ajenu Nges! Ido erai ngin cut Abeit.

4 Ajai eong, atupuruc na, emalanakin kede aimor nakajokan na kane, naka ijaanakinak. Ido eboie eong kokwap kane ajai lo...Mam eong apeleikinit aibelear idiotunganan. Konye abu etunganan lo loirionon kolom toma, onac, iboikin kwap ngina. Abu eong alimok ekagirigiran kane ebe. "Ekristayot obe ngol."

Isitikini ijo eong noi nuka Ekimat Smith loatapit ajaut Okanisa loka Edeke kotoma Kristo, eyuunit eong. Atapit eong alimonokin kesi noi kokwap kangina, ido-ido apedori bobo eong asesen nges. Aputos ngesi kede onac lo kane, bon ajaatar ngesi akoruo aitukuke naka okuju. Apedori eong abunore kokau naka ekek, ido mam eong emuromini akiro nuatapit epolon lo alimunun; ongolia kuju, ido owoete lukalaunak kere, ijeni ijo, ido ajai ipese yenididi, atapit, aboi okoona. Akakosio loamina eong noi arai Ikeu Nges Kuju. Ebapete kesi kere akecekanin, koipone kalo Ipetekotin, ijeni ijo, Ikeu Ngesi Kuju. Aminasi kesi eong, ido amina eong da kesi. Ido neilomaria isio toma (Atapit nges aboi kalaije, kede ekekou koipone kalo, kotoma abao, kosodi asesen kes, ijeni ijo) ebalala ngesi ebe, "Olom toma, ekimat. Isiyeng akonikopira." Mere, "Aisiyengun akonikuan." "Isiyeng akonikopira."

5 Onac kane; kasodi eong aisiaun, apakio ngun, ebe adiopet kotoma awookoka luka Eijiri luamina noi nges akeberu. Ido abu eong eswama kere nuapedori eong kanu atejenikin, kanu ainakin nges awoere. Kosodi, do, abu ngesi kilip ebe mam anyaraun nges, ido ajeni eong apolou naka ngin. Konye alosi eong elopet aisukunyikin nges, arai epedori ngesi, obua lailo kosodi awoere.

Eebo, mam erai ijo nges inac nabu owo-owo ebe, Aiworor, atupuruc adiopet ko Christian Business Men, kwana? [Kotemari inac ebe, "Eebo, ipa. Eebo."-Ekewa.] Amuno eong ebe enyouni akaberu osabiiti lo, ido akoto eong ngesi airar ijo, naarai apogakin eong noi. Ido arai itwania ijo ngun kotoma ateepu, ilosi oni aitemokin ngin. Amina eong awoere ngin najokan.

6 Ido, atapit eong alimonokin itunga ebe, mam eong-eong apedori awoere. Oo, ikatunga, alwana eong amairon emilionit kama ejai ngin. Konye abueong atema ebe, "Arai idol ijo toma Akuj kosodi ajar kotoma orekon loti, ijeni ijo, kuju Ngina," abu eong atema, "Kalaije kokwap naka eukot, kokau kotoma amagoro kau ngina, ejai igola yenididi yenejai ngina. Eraun ngin naka. Ido adiopet kotoma atupurucio kangun kilot ijo agola kosodi airar icetunganan ebwoi kangina, ewoi, 'Asianut naeumokina! Eipone loejijimar aruo, nabu kitajar ekadiakanaran kwape keong!' Itemari ijo ebe, 'Ituritete Edeke! Apedo do epolon Onac Branham da angeset.'" Ebuni araun eong apupokinit kangina, atamite awoere.

7 Nejaas ikanacan lu Kristayon, ka nejaas...eyuunit eong abu onac ediopet kitodiar mamawok, atupuruc na, kwape ejaanakinan loka Buddha, kangina, amalan nekus, opaperoka loka etiai. Ido ajaun eong kede akodakina naepol, mam epol noi, konye kede itunga luka Buddha; ido aitelekarit ko Canada, kanejaas

itunga luko China, ido adum eong kes eraas itunga lueminaka ido kojijim.

Eitunit eong etunganan loka Buddha loalomunit ko yekalu loka Buddha, abu kobu airiamun nako Winnipeg, ido amudukana ngesi. Edit noi, itunga luejijim, ido iyuunitos kesi cut ebe arai Edeke etangalan. Ido nape ajai eong alipakin ngesi, ido kojai ngesi ainyoginyog einer, eipone loaminar ngesi Edeke, ido irwanatipet opukoros akekonye, kotoma...Ido arai ibore yen...yenaumokin. Kwangin isiyalamikinit oni-oni nginikiliokit ka nginitunganan.

8 Kwana, mam eong ajaunar kede erereng na lem, ko Chicago, aitam einer...Ne, mam eong abunio aitam ayangaun adiosiraret, naarai kanuka ijaanakinak luka kane epedoritos noi ayangaun aisiraret, adepar eong. Konye, ido akaulo kangun kere, mam ijo ijai ne airar aisiraret. Konye aomit eong ebe epedori arau apak naka aibuses kakere ebe apedori eong airiamun kede ijaanakinak luko Chicago, edistrikt kotoma kane, ka aiyatakin ajenar kede kes, kasodete isio aiyatakin ajenar idiopet ka yenice. Ido esiyalamikinit eong Edeke kanuka arereng kana. Naarai abunenen eong oibuga lo irwanapu kane, kokwap naka eyaitene loka ekanisa ediopet, ido kwap naka eyaitene loka Christian Business Men; kanukangun, amameotor kede arereng naka alimun nukang nejai atukot naka inacan.

Ido-ido kwangin aomit eong, ido ejaas duc nuipu nuetupitos aijaanakin kwape kana, nukaidules, amukuran ka aseregeten, kiton acepakio epatanakini icetunganan amisiikin erono. Ido akoto aitwasam idagikan lu idis luetupakinitos aitam atetemun ka-ka aitacaikin inacan, kocai kwape ajenia eong aitacaun ngin.

9 Ido akadakadauna eong -eong ido mam eong apedorit aismamaun e-einer lo aticepak esubit bala ejai ajokis nejaas itunga luesiomitos. Mam eong asiomit, ido ekadit eong ngin. Konye arai eong...amina Ejakait. Ido abu Ejakait ainak eong, aticepak, eipone ece loairiun itauon, kede ainakinet naka Edeke, tetere eburokini abagat namam ikauriak apotu kopedosi ainakin eong, asioman. Ore loka ekal lokican, ido idwe itomon, ka papa loadeka, ido mam eong abu adum arereng kanu asioman. Kwangin do, konye, kotoma aurio, ajai ibore yenabu iswamaun yen...airiamun kede Edeke, nejai totoka ka papaka. Ido isiomitos yesi akakiro. Ido, kede ngun, atamit eong abwaikin toma ekawai, kede yesi inacan, kanu airiun ikadiakanarak mama ejai Kristo. Ido kwana eong...

10 Mam eong akuriana. Konye duc eong, eroko apukoro Akirot, akoto ber eong ainerakin kede Ekewadikan ber mot. Ido ti ber oni itulur awokokwes kwap bobo apak edit.

Papakosi loka etiai, irai Ijo Ekosideke, ido ijai isio adolokin Ijo aiboisit na Eijiri. Ajai eong ne akonyen nuka Ikonidwe, Ikonicokok, ka inacan luka aiyuun nuka etiai. Ido eipone loetiroritor ngin eketau airar itunga lu luamisiikin erono, kosodete aijukar toma ojeran, kanuka Akabakanut naka Edeke; koany eipone loijaar Ijo anyaraunun Ikonidwe kotoma apaarasia nukawasia.

Ido iyuunit isio cut abeit, Papa, ebe ijari isio kotoma angeset naka erot. Kwape abalar enabi, "Ejaun Aica kotoma osawa loka atibong." Ido eyuunit eong ebe lolo irai isio luidakit Aica nakapolon naka Eijiri ebe, kede Asianutukon, icamak Ijo isio alosit kiton osangeta luka akwap, nealot aisikwarunio na.

Ido elipit eong, Papa, ebe, kotauka, ebe kiinakini Ijo eong aitetemikin ikanacan, atupuruc na, alosikinet ka apeleikinet naka akaijar Mamakon, tetere kes emisiikinete. Koinakinai ngin, ebe tetere isio ijaun kede amin naitekoro, ka eidicane, ka aismamanara, kotoma aswam kere naka Eijiri. Naarai ilipi isio ngin Kokiror loka Yesu, Loabu ilip ebe arauos isio ipei, kwape arar Ngesi kede PapakeIpei. Eyuunitos na, ebe, "Kana nges ejenunatar itunga kere ebe iras yesi ikakesisiak, neijaar yesi kede amin, idiopet ka yenice." Amen.

11 Kwana bon...Ido amuno eong ido acamunit ebe enyek eong aitalakany yesi inacan kede anacan, kotoma kanu. Konye aomit eong ebe akoto eong atacaun ejok, tetere mam eraun yesi apupun nuelimunit icetunganan. Ido etetem eong, irwanapu, kotoma airiamununeta ace nuka ijaanakinak, konye akapak nasodit na nejai atukos nako Chicago, ido akoto eong atejenun akakuan ejok cut, kanuka ngun nuatamit eong aswam.

12 Kotoma Eijiri loisirerengitai lomojong kane, esula loka 26 loka Eitabo loka Aswamisio, isiomi oni:

*Kanuka ngun, wu Ekabaka Agrippa, mam abu kepalik aitapoet nakakuj:*

Erai lo, bodo, Paul inera. Loimina, oni kere, kwape ijaanakinak, aijulira abongonor mamake, naarai ngesi...One, kotoma otau ediopet, iyuunit ebe arai ngesi akiyaka mama ejai ekanisa loka Imo, loabu Edeke onyaraik nges araut e-ekajenan mama ejaas Imo. Ido aponi iningorai akeijaanakin.

Ido duc, arai elibu idiobore yenitegelikina, iningorio ber. Erai, ido aomit eong ebe mam erai icebore bobo adepar abeit; ekoto iningoroi. Ido aomit eong ebe icokok icesawan ecoikinitos kanuka-kanuka iboro luepupete kesi, ido aomit eong ebe ejaatar apedor acoikinit. Naarai arai amisiikinit eong aijulunet naka akirot ecokon, "ekedaran." Ido kanuka ngun, erai ngesi e-e-eketanan, arai ecokon, loka atukos naka ikiliok ka angor luainaki Emoyo Lokalaunan nges araut ekaanyanaran. Ido ejaatar ngesi apedor ajenun

eipone inyammat luejaas akemerekekin adumun, ka aiboisit naeponitotor. Aomit ebe ejaatar ngesi apedor aswam ngun.

13 Ido arai ecokon, arai acepakio itunga, epedorete asubit bala ecoikinitos mot, mam ngin cut, mam ebeit itukurian idiotunganan. Ekoto bon oyangau ayongit nejai etau loka etunganan, kanuka etunganan lokec, loebwoi, loiningori ngin. Ido, angeset, arai mam ijo ijeni ejok ebe itenara ijo ejok, eipone ali ipedoria ijo alosit kanuka aiyuun?

Arai ibwaik ijo aomisiokon...Kwana, esubit na bala erai aisia aomisio; naticepak erai, ido erai, konye erai naedolit. konye ijo cut abeit, kotoma otaukon, tikiomoom ebe mam ti ijo ipedo aikeun kotoma omeesa, mam ti acepak ijo ipedo. Iany ijo? Ejai ijo...Epatana koipone kangol.

Ejai ijo aiyuun. Ekoto ijo kojaas kede aiyuun. Ekoto ijo kojaas kede atiting. Ido eipone bo ali ipedoria ijo ajaut kede atiting nejai ibore yenimam ijo-ijo ijeni ber da nejai ijo alosit? Eipone ali apedoria eong alosit korot lomam lem eong etoritor, kede esipiidi loededeng, ido kojaas ikonai, komam ajeni nuejaas okona loetupakini? Ekoto ijo oseseni nejai ijo alosit arai mam mam do ijo ijeni eipone loka alosit. Ido kwangin nges ebeitor nginitunganan ajaut. Kosodi do neipedoria ijo, ianyuni ijo ngin, epukokinio ijo, ido ejenuni neilos, emamei do ibore yenelosi aitikokin ijo.

14 Ido arai ngun, aomit eong, Paul, nuatamit ngesi aitodolikin nejai Agrippa kane. Ebe, abu ngesi-ngesi olimok kes ngun, "Adiope pak arai eong ediope kayesi."

Ido aomit eong, aticepak, korai-korai onac loka Obaptist lo, ido korai tikopedori ngesi alosit okanisa loka Obaptist atupuruc na, nges kede akeberu, ti ngin aticepak eraun akecejenanut. "arai kolo eong-eong ediope kotoma kayesi."

Arai, Ekanisa loka Kristo, arai onac loerai loka Campbell kane, korai opedori alosit otungake. Aomit eong enyaritai ekiror loajokan; Esisisiak luka Kristo, enyaritos kesi, konye erai kanuka aisisianakin Alexander Campbell obe. Kosodi do Ekanisa loka Kristo alomun kotomakus, kanuikamunitos emusik. Edolit ngin, mam? Ido korai ti ngesi opedori abongor nejaas kesi, ti nges etema ebe, "Arai sek eong lokus."

15 Kosodi Paul kane abongor nejai Ekabaka Agrippa, ka Festus, kosodi atemar ebe, "Arai sek eong lokus. Arai Eparisayot loka Iparisayon." Apolounit ngesi kokwap naka Gamaliel, ekesisianakinan loapolon, ido ajeni ngesi ikecekisila kere ka nutupitono, ka nueyuunitos kesi ka numam kesi eyuunitos. Kosodi atemar, "Areit eong Ekanisa loka Kristo kiton aiyar, kosodi ngesi atemar, "Ibore nginpengin yenewosiatere eong, arai eong loareit ibore ngin."

Ido aomooenenei duc eong ebe abu atwanare naka Stepano oloma toma Paul, naarai neabu ngesi koanyunia ejautene ngol loka aibuses koreet loka Stepano. Neangoliara ngesi kuju, ka atukos ibungainges kiton atwanare, kosodi ngesi atemar ebe, "Aseseni eong Yesu ebwoi akan nakoteten naka Edeke." Ido ijeni ijo, ipedori ijo aiyar ekiyasia, konye mam ijo ipedori aiyar akesiraret. Ido aisiraret, karaida abu Stepano kolot aibwo kede Yesu, konye, abu akesiraret kosalak irimirimi, naarai abu Paul inyikok einer nuikamunitos ngin, ido, inyobo, erai ngesi "Iodidi" kakesi, ido mam ebusakinit anyarao ediope kangul, naarai abu ngesi kitejenarite kosodi-kosodi ainakin akeijen aiyar etunganan loayongit Edeke.

16 Ido kanuka ngun, Paul, kwape kiswamata itunga kere akonyen nuka itunga, inyakari Paul ake-akemisiiknin, kau, ageunet, toma kanu arai ngesi; kosodi aibwaikin ngin ka asipokin ngin toma kanuiwadikaere. Karaida itegelikina ngin kede aiyuunikec, konye ajai ngesi aitodikin kes ebe arai ngin naiwadikaere.

Kanuka ngun, aomit eong ebe oni...Idiobore kwape duc etapitor eong alimunun, inacan, yesi lujajaananas ariamununeta, ebe, arai adumun eongenera iboro lumam eraas nuwadikaere, akepolou aomit do eong ebe...arai onac edio kere, ibusakinit isio abunore nejai idiopet ka yenice kosodi atemar ebe, "Emamei ngin kotoma Obaibuli," itei ijo. Arai ejai Obaibuli, aticepak ijaatar ijo ajulunet naitegelikina; konye, erai. Arai ejai toma kanuiwadikaere, ejok.

17 Kwana, ajai Paul ainakin aijuluneteke naka kanu abala enabi, ka nuabala Musa, aloseite aitodolikin. Ido abu ngesi iriamunos ka Yesu korot, kotoma aitapoet. Ido abu Yesu lo iworo mama ejai ngesi.

Na, mam ti abeit araun ibore yeneninik kanuka Iyudayan kangul, kwape kabalar ngesi, "Festus loajokan noi," ka-kaceda, ebe erai... "Ngin epedori kereka korai ibore yenitegelikina nekon, ebe epedori Edeke aitajarun lukatwak?" Iany ijo? "Naarai arai ijeni ijo nuarai Edeke okau kangina, kede kanuiwadikaere, abeit cut ti ijo ijeni ebe epedorit Ngesi aitajarunun lukatwak."

Kosodi ngesi atemar, abu ngesi koinak kes nuapotu otakanakisi nges korotoke alosit Damascus, nuka kanu apotu iswamaunos, ebe, kanu ainakin kes ajenun ebe Yesu lo loajaas-ajaas kesi ayangaun eigur kanuikamunitos nges alimonokin Ngin, ebe arai Edeke ngol ngopengol loejaanakinete kesi apak kere. Naarai, ajai Ngesi amodingot kede kesi, Loengarenikit kes, korai Aica ngin; Akim, engarenikit kes Epir loka Akim. Kosodi Ngesi atakanikin Paul kotoma obore ngipengin, Aica bobo, nabu itumudak nges. Kosodi ngesi

aingit, "Ingai bo Ijo, Ejakait?"

Kosodi Ngesi atemar ebe, "Arai eong Yesu, loireit ijo. Ido etiono ijo aicakacak ikukwa."

18 Ido atamit ngesi aitetemikin kes nuarai ngin, ido-ido atamit ngesi aisisianakin kes ebe, nuajai ngesi aitodiar mama ejaas itunga, arai ngin, ebe, "Arai Yesu Kristo nges Mesia," ido ebe, "Abu ngesi kotwana, kosodi Edeke adaun aitajarun Nges." Ido arai ngin kwape abalatar nuiwadikaere. Ido ebe, "Adaunit do kwana Ngesi adokar toma Akuj, nejai Edeke Papa," ido ebe-ebe arai ngesi ekajenan loka Ajarunike. Kosodi, ebe, nukapedor nu ka aanyununeta, ka nukaumokin, nuetegelikina akonyen nuka itunga, mam araas ibore yenitetet kama ejai ekeyuunan obe, loka kanuiwadikaere, naarai enerit Ebaibuli nuka kangun.

19 Kosesen kau kotoma onabin, eipone loabu kodwaria, inyobo, kotoma abongun naka Mesia, ka nuabuni Ngesi aswam, "Apote ingwalasik eicod kwape amiam kotoma Isaia 35 ka Ikokoron luegelegela luapedori ngesi aijulir. Mam oni kijaar kes iwadikatai ne, konye aticepak abu kobongo kau aijulir ngin kotoma onerike loauriana kakonyen nuka ikabakan; naarai, aticepak mam kes apedorete atitingikin nges kwape yesi kede keong. Kwangin, kosodi do ngesi-ajai ngesi atetemun ngin, ido kotamite alimokin kesi ebe Edeke ngopengol loejaanakinete kesi...

Kosodi ngesi, bobo, abu kotema ebe, "Erot loenyaritai ebe erionget," ngesi, "abanganut," itei ijo. "Erot loenyaritai erionget, kwangin amaia eong Edeke loimaete yesi." Itei ijo, "Erot loenyaritai erionget."

Ajeni eong ejok ebe, lolo, korai oni abwoete kede ikanisan lusek ijai oni toma, kwape nat Presbyterian, Atulik, Baptist, ka luegelegela, ti oni kiner ajenanut ngipengin nejaas itunga ngul luebalas ebe ekotosi kesi, bala, aibwaikin onac toma owoodi loka ibangiok, arai icebore kwape kangin. "Kotoma orot loenyaritai erionget, koipone kangol nges amaia eong Edeke loka luka papa."

20 Ido arai bo lolo ngin ajenanut naapol biai koingaren naka Agrippa, kiton adolokin akidingos naka einerike, abu Agrippa iluluik, kosodi atemar, "Paul, Saul, nepetai iyapikinit do ijoaitingaikin eong da araun Ekristayot, itei ijo, koipone ali, abu ngesi itacau nuiwadikaere ejok, konye kongeronoro ngin kede aketukos obe. Konye nuiwadikaere acaete cut ejok, kiton nges atemar ebe, "Iyapikinit ijo aisupar eong da ajaun kwape kijaar ijo.

Abu Paul kotema ebe, "Korai ti ijo da, nepepe, bon mam ti eong akoto ijo ajaun toma arikoi lu luajai eong toma," itei ijo, konye araut eyuunan kwape kangesi. Kacekiro, korai eong... "Ekaipud nejai Edeke ebe ianyuni ijo apukpkinio kwape-kwape asesena eong ngin." Kacekiro, "Emiela eong-eong korai ti ijo opedori aswam ngun." Iany ijo? "Akoto eong ebe korai ti ijo opedo."

Neabu, Festus, acamunit eong, abu kolimokinite nges ebe abu ngesi "asiomit ngesi noi," arai ngesi "loamunara kotoma akouke." Konye abu ngesi koinak ngol ajenun ebe mam-ebe mam ngesi amunara; ebe ajeni ngesi-ngesi neajai ngesi.

21 Ido ti eong alim nata, atupuruc na, inacan. Epuda eong cut kere ebe abuni eong...Etodunit ebe mam arai aijar naka Paul, konye bon kanu apedor ainakin einer loegeuni. Naarai, ipu ice kane lu aticepak epote einer atupuruc na, konye akoto eong erereng na kanu alimun na. Kwana akoto ti eong ebe nginikanisa loitegelikina, kwape abu eong eirara ijo ilosi kwap, koyekalu loka Bethel, Independent Assemblies of God, ka luitegelikina...epuda eong ebe kere nepepe korai ti yesi koanyutu kwape asesena eong, akepolou ti yesi ijaunos kede amisiikin naecai, ngin naka aijaanakin.

22 Neajalakina eong ekanisa loka Baptist, kanu abunore toma Pentekosit; kosodi Dr Roy E. Davis, loabu etitingikinite eong toma aijaanakin ko okanisa loka Obaptist, abu kalimok eong ebe ajai eong aruja, neabu atapoet naka Edeke kobunio kosodi-kosodi ainerakin kede eong. Ido-ido ijani ijo nuarai aitangal apaarasia kangun, ajai adoketai naka okwap.

Ido-ido mam eong ajeni idiobore yenikamunit Ipentekotin. Abu eong apupunite ebe araas kesi atukos kalu ikerepikinitos luaperete kokwap ido koleleete aimul aitukes kwape ingwoko lubangiok, ido ajai kes aipuk ngul ekwam kosodete ainyakun kes toma aijar, ido kere kwape kwangin. Kere kesi ngun nuajeni eong nuikamunitos itunga luka Pentekosit.

Abu ngesi kotema ebe, "Ingai bodo iomit ijo ebuni airar ijo?"

Abu eong atema ebe, "Arai ejai Edeke aijukar eong, ejai aceboisit ka icetunganan yenejai ngesi aijukar eong mamake." Edolit ngin. Iany ijo? "Naarai," Abu eong atema ebe, "Dr. Davis," abu eong atema, "Atakani Ngesi cut ejok; abu eong abwo kasodi asesena Nges," abu eong atema ebe. Aponi alimokin eong ebe aitapoeta ngun...

23 Arai eong eyuunan lokapolon, inacan, ebe-ebe ainakineta ka anyaraununeta emamei aitoronokin. Eyuunit eong-eong ngin. Iurunio ijo, mam ijo ipedori araun icebore yenimam ijo irai. Nape kitamia ijo aitarauun akonikuan icebore yenimam ijo irai, ijai ijo abolia ewai loka loesoswai, itei ijo. Akoto eong araut nuarai eong, kasodi aisedeleleun ngin ido kocai. Kosodi-kosodi do, akoto-akoto eong ajaut koipone

kangol, kosodi do nginitunganan ajenun. Kwangin ijeni do ijo cut bec.

Kosodi do kwana, kwape kijeniata yesi, mam eong asiomit noi, kwape alimunitor eong. Kwangin kotoma aka...kotoma akiro nuka ediini, eong nges loican kakere, mam apedori karaida anyara akakuan ebe arai, naarai kanu mam adumunit asioman ka amamus aijen akiro, kaceda. Konye adis nuajaatar eong, kanu...kwape akaijen naka amisiikinit, kanuka Akesianut, EjakaitebeYesu Kristo, atami eong aimor ngun kede ikanacan aibosio kere, aimor nu.

24 Ido, konye, neajalakina eong ekanisa loka Obaptist...loerai ekanisa ediopetebon loalomaritor eong toma, arai aponi etitingikin eong toma. Ido aponi enyonyoikin eong toma ko 1933, kotoma okanisa loka Baptist, Jeffersonville, Indiana. Erai e-e...eraidiopet kotoma airiamun naka Baptist naejai Ngalakimak. Kosodi oni, kotoma apak na, Eong...Neanyouna kasodi...

Kwana, erai ekanisa loka Baptist loepol agogong. Ijeni oni-oni kere ngin, ebe erai a-erai a...Ipedori ijo alimonokin nuka idio bore kere yenikoto jo, arai ebuni akoni tukos aibwo kanuke. Epedorete...ikoto jo alimonokin nginibore kere yenipuda jo.

Ido amina eong ngin, itei jo, narai eyuunit eong ebe erai na eipone loka iyakia. Narai, akou, naerai ayaetait naikiara kakere kotoma okanisa, ngesi ecokon, imisiikinit oni ngin, ebe erai ecokon. Ido-ido arai e...arai elosi ediokaanyanaran arai ice tunganan alemar apukokinio kane ejai ecokon, aso koipone bo ali elosia Edeke aswam kokanisake? Itei jo, mam jo ipedori adumun. Aso, ido e...

25 Ne alomuna eong kangina, abu eong eriamun kede atukot nasodit, na arai aitangaleunio naka Betty Daugherty, kotoma St. Louis, Missouri. Ido arai ekanisa loka Pentecostal United, arai ekanisa loka Pentecostal Jesus' Name, arai ecokon lo loanen ido aponi itangaleunai akooke. Kotoma abeit, aomit eong ebe ngun kesi eduporete ngesi eraun epetekotit, arai narai anyaraikina kesi ebe, "Jesus only". Kasodi eong aomoom ebe ngin nges ebu itarau kes Ipetekotin, arai naarai anyaraikina kesi kwangin, ido arai ngin nges atiaketait. Kwangin, eebo, kasodi do eong alosit nejai...

Kosodi etunganan loajokan; ajaatar kede airiamun napolon kotoma St. Luise, loetakani aput kotoma kangina. Ido ijai isio aiboisit naka airiamunun nako Kiel; ido akuar nasodit, arai aarei, ajaas ilukumin itomonaongon ilelebikina kinga, ido mam isio kipedori karaida...ajai aibwaikin ipolisin airimun ikekia, kanu ariemor kes awai.

26 Kosodi do kanen, ngaren kiton kwap nejai Richard T. Reed, loka Okanisa loka erereng loka ol' Bible Hour, ko Jonesboro, loarai ngesi da loka orionget kangopekangol. Ido anyoun kanen, kiton Dr. G. H. Brown, erionget ngopengol, ko 505 orot lo Victor kotoma Atiida nako, Akansas. Ido, kangina, kiton Ariri naka Oto.

Ido neadolio eong Ariri naka Oto, abu eong enom akim. Kasodi eong adumun ebe ajaas atiakatiakaeta nuepu noi akidingos naka itunga luka Opentekosit, kotoma oriongetakec, kwape kijaatar oni da luka Obaptist. Itei ijo, ajaatar kesi-ajaatar kesi atiakatiakaeta nuipu, nuajaas, ajaatar kesi nuetegelikina. Ajai Assemblies of God, ka Church of God, ka icebore, ka icebore, ka icebore, ka-ka atiaketait. Ido apotu kesi otiakatiakaunos, kosodete aigir ikoruon. Kosodete luce inacan kere agaeun abunore neka, kosodete alimokin eong ebe, "Inyobo, irai ijo loka Jesus Only, kede atukos na kane."

Abu eong atema ebe, "Mam, mam eong-mam eong anyaraikina kwangin." Iany ijo?

Ebala ebe, "Inyobo, idicatar ijo kedekes."

Abu eong atema ebe, eebo, mam ngin itaraunit eong ngol." Iany ijo? Kasodi eong atemar ebe, "Eong-eong bon...Araas kesi inacan."

Kosodi ngesi atemar ebe, "Inyobo, eraas kesi atukos naka...Inyobo, emameotor kesi idiobore konye atukos naka ikweny ka iboro, luejaas, koipone kangol. Ne..."

Abu eong atema ebe, "Kwana, elipit eong aitimio. Abu eong eriamunos kede itunga obe lueyongitos Edeke kangina. Ido eraas kesi itunga luka Edeke." Kasodi eong atemar ebe, "Abu eong-eong etanang anyara kes ebe lueroko; naarai mam kes eraas."

27 Eebo, kwangin do abu eong atam aingadite ngin kwape apedoria eong kere, komam alimuni ediowai. Eebo, abu eong ageu aisisia nuaraas akeceomisiko, ka nuaraas akecetiakatiakaeta, ka ibore yenainakini kes atiak. Kasodi eong adumun ebe iarai kotoma atukosia nuka apolok, adiopet kotoma kakesi anyaritai ebe Jesus Only, kosodi nace ya anyaritai Assemblies of God. Ido anyaraunitai kesi kinga, arai atiak, kanuka akiro nuka aibatisao naka akipi; ediopet etwasamai "Papa, Okoku, Emoyo Lokalaunan," ido nace etwasamai Ekiror loka "Yesu"

Eebo, abu eong asesen, ido kotoma owaitin iarei kere ajaas itunga lukaumokin, ijaanakinak luka Edeke. Kasodi eong aomoom, "Wu Edeke, korai eong apedori aanyun kesi kere imorikikinos toma...alosit ngaren kosodete ajaun kede...konye inyekikisi aigir ikoruon, ido kobalas ebe, 'Mam isio ibuni aimor nepepe

idiopet ka yenice." Konye abu eong adum ebe, kotoma kana, abu emoyo lokaronon koloma akidingosikec kosodi ayangaun elait ka angaranara, kanuka ibore luapotu kolomutu akidingosikec. Abu eong aoomoom ebe, "Erai nen cut bec kwape ekotor ajokit. Kesi ngun cut bec nuekoto ngesi." Bon ebe itutuoritai ikusimuudun asurokin idiopet ka yenice mam bobo nges ejio noi. Kasodi eong...

28 Kosodi do kanen, angetakinet, abu do kodolok aitodiar. Ido atodiar ngin abu kojaun Seatle, Washington nepetai 1946. Ido atupuruc adiopet aponi ayangaun eong agola naka ooteri, icebore kwape kayen, kede, i-inyamat luka atupuruc luka icejaanakinak. Ido ajai eong ainerakin kede itunga iarei luapolok.

Ido ediopet kakesi arai Dr. Ness. Amuno eong ebe yesi inacan luka Assemblies of God kiitunitos nges. Ajai ngesi owai loka Nyakoi To; etunganan lokaumokin, lokacoa, kosiomite. Ido abwoikinit ngesi Assemblies of God.

Kosodi do, Dr, Scism, loka United Pentecostal Church. Aomit eong yesi inacan luko United Pentecotal Church iitunitos nges. Arai bobo ngesi da loka owai loka Nyakoi To kokuju kalaije, ebe ayait ngesi kes ka idistriktan kokuju kalaije.

Eebo, apotu itunga lu iarei iriamunos. Ido abeit eong ayangaunio akonyenekec naarai naarai iwaitin akwakiar, ido ajaas atubutub eong kotoma kanginiwai kere. Kasodi eong aoomoom ebe, "Anyoika ibusakinit eong aswam? Anyioka apedori eong aswam?"

29 Kwana, eebo, apotu kesi kotemasi ebe, "Eebo, ekoto ijo ayangar ewai kede ediopet arai loce. Arai ilosi ijo alosit kede Ekiror loka Yesu, ajai ijo araun loka Ekiror loka Yesu. Ido arai ilosi ijo alosit kede Assemblies of God, arai kaceda." Abu kodolok toma aibosit nabu koyangaikina eong aswamaun aitodiar naka eceipone.

Abu eong elip noi atupuruc ngin eroko eloto kwap. Abu eong atema ebe, "Edeke, ingarakinai eong. Naarai, ejaas ikiliok iarei lukapolok; ejaas ilukumin luka ibulesin. Ido ijuk Ijo eong kinga ne kede aijaanakin. Ido eraas kesi kere ibulesinikon. Ido eong ibusakinit acakar acamanara adio najaatar eong mama ejai erionget ediopet naejaatar ejiosi kede loce?" Iany ijo? "Mam eong-eong apedori aipup ejok kotoma aswam ngun. Mam eong aomit ebe epedori araun akote naka Kristo eong aswam ngin." Kasodi eong atemar ebe, "Edeke, ingarakinai eong kosodi ainakin eong ibore yeneswsamai, arai koinakinai eong ibore yenalimuni."

30 Ido amameotor eong idiotunganan. Ajai eong aibwo kangina, Ejakait Yesu bonkede eong, atupuruc ngin.

Eebo, abu epeget loti ogeun. "Inyobo ilosi ijo aswam? Inyobo-inyobo-inyobo asekaret ilosi ijo aismamaun?"

Abu eong atema ebe, "Asekuneteka edaunitai aismamaun. Ebe, asekareteka, nges aibwo akidingosikus kere, kasodi mere alomar nejai ediorionget kere; kasodi atemar, kede akakanin atununia yesi kere, 'kiri oni inacan.'" Iany ijo? Itei ijo, irai oni inacan. Iany ijo? Kasodi eong atemar, "Atam eong aisiom itabon kere luapedo eong, eipone loalomuna na, ibore yen yenyaritai ebe, 'ibore yenitetet,' ido eipone loapotu kesi kotiakakinotor, ido eipone loageara lo kowai kalo ka kowai kaje." Kasodi eong atemar ebe, "Kotoma opegeta akidingosikus," abu eong atema ebe, "Ibore ngipengin nges abu kotiak aikunyakinet naka Opentekosit, kotoma apaaran naka...akaulo naka Opentekosit. Apotu kesi' ogeutu epeganakin idiopet kayenice." Kasodi eong atemar ebe, "Ibore ngipengin etiakatiakai bobo."

Abu eong atema ebe, "Epedori kereka ajaun ebe epedori icebore ajaun aibwokokidingikus inacan, yesi inacan? Icebore yenepedori aibwo ejaun?"

31 Eebo, mam kesi apedorete apukor akecekitukes kotoma kangun, naarai akwana noi. Ijeni ijo, nepetai ikar itomonakany, akaisarei kau, eipone lojaar, naarai abu atukos adiopet konyou kanejai nace, ido abu kojaun eiri loapol noi.

Kwangin abu eong atema ebe, "Eebo, inacan, nualosi eong aswam kesi nuta. Alosi eong...mam Edeke ejukunit eong aibatis, ejaas ber aceda. Ejukunit Ngesi eong alipanakin ikedwe lukadekak." Abu eong atema ebe, "Kwangin, alosi eong ailipanakin idwe lukadekak, ido yesi ijaanakinak iswamata akusibatis," abala eong.

Abu eong atema ebe, "Kwana akoto eong aingit yesi icebore, tetere yesi imisiikinetete." Abu eong atema ebe, "Onac Ness, e...itunga lu luenyaritai ebe luka Jesus Name, ijo iyuunit ebe edumunitos kesi Emoyo Lokalaunan nakineratar kesi kede angajepa ka iswam ibore ngipengin yenismamaete yesi kotoma Assemblies of God?"

Ebala ebe, "Abeit cut."

Abu eong atema ebe, "Onac Scism, ijo iyuunit ebe ejaatar luka Assemblies of God Emoyo Lokalaunan

nakineratar kesi kede angajepa ka aswam ibore ngipengin yenapotu yesi kiswamata kotoma aibatisao?"

Abu ngesi kotema ebe, "Abeit cut, eyuunit eong."

Kasodi eong atemar ebe, "Kwana, ebala Ebaibuli ebe, 'Einakini Edeke ngul luerimasi Nges Emoyo Lokalaunan.' Kwana, ingaibodo abu orima Nges? Ingabo abu korima Nges? Ingaibo kotoma kayesi abu orima Ngesi? Ido abuEdeke koinak yesi kere Emoyo Lokalaunan." Iany ijo?

Abu eong atema ebe, "Ipedori ijo, Onac Scism atemar ebe, emameotor Onac Ness Emoyo Lokalaunan?"

Ebala ebe, "Mam."

Kasodi eong atemar ebe, "Ipedori ijo, Onac Ness atemar ebe, emameotor Onac Scism Emoyo Lokalaunan?"

"Mam." Iany ijo? Ebe, eyuunitos kesi kere iarei ebe ajaatar yenice Emoyo Lokalaunan.

Konye, itei ijo, emamei ajokis, inacan. Emamei ajokis. Kasodi eong airar akauloke mot anyoun kanen...

32 Abuni eong abongun toma apeleikineteka kotoma adakikat.

Inacan luka Finnish kalaije, akaulo naka eong anyoun ko Finland; neabu Edeke koinakina oni, na aomit eong ebe ediopet kotoma airiamununeta nuapolok kakere. Ngina neabuitelepat yenididi, kojaruna, ka iboro luipiu. Abu eriamunos ko Stockholm, Sweden, kede Lewi Pethrus loka okanisa loka Filadelfia. Onac Gordon Lindsay, loerai kwana...aomit eong. Mam eong aomit ejai ngesi tomake kwana, konye arai ngesi loka Assemblies of God.

Ido Assemblies of God kes atacakaka luapolok, akwap kere. Ka Foursquare, loerai alomunet kinga naka Assemblies of God, kesi idiopet kotoma atacakaka luapolok. Oneness nges, akwap kere, nges arai ediopet kotoma atacakaka luapolok akwap kere. Iany ijo? Ido abu eong ayanga abwoetai ngin, ajalakin iwaitin luekwaka bon, kasodi ayangar abwoetai, ebe mam eong abuni ayangar ewai kede epeget ngol. Kiton nakianyunia oni ebe irai oni inacan, kasodete aimorikikin nepepe, kasodi ibuni-ibuni do oni kere aanyun ibore ngin idiopet kaitebeikin, yenijai oni abunore toma, apeleikinet ka alosikinet naka aswam kwangin.

33 Ido ekoto ijo-ijo aining akonilosikinet ka apeleikinet, ber nasosit. Nasodit ber, kojen akote naka Edeke; kosodi ajenun akonipeleikinet; kosodi do aining akonilosikinet kosodi aanyun arai edolit akonilosikinet. Kwangin, kwape abalar Yesu kotoma Marako 11:24, "Arai icorak ijo erongat lo ebe, 'Koukor,' komam ibunokin kotaukon." Konye anyoun nakijaatar ijo kede abunokin kotaukon, arai erai akote na ka Edeke, arai ibucara alosikinetekon arai apelaikinet, eipone ali ebunio ngin alosit? Konye nakijenaijo ebe edolit alosiinetekon, ido erai akote naka Edeke, ido odolite apeleikinetekon, ejai ngin alosit ngaren. Odaun, arai abu Edeke kolimok ijo ibore yenibucara.

Ngin nges alosikinet alopet, nealosio eong toma olutaari, kotoma okanisan, emamei itunganan yenepupunitor eong alimuni iboro ngul ko lutaari, akiro ngun. Ajalakin eong ngun kanukec. Itei ijo, eraas ngun, nukus itunga. Iany ijo? Ajai eong ne aingarakin ijo aisupun itauon nejai Kristo, kede ainakinet naka Edeke, itei ijo. Iany ijo? Mam eyengauni adiotegelikinet...Iswamata yesi aibatisakus. Konye do needolokina...

34 Naarai, anyarai eong nginibore kere. Anyarai eong, mam eong ajeniimwasi ai, adioboisit kere anyoun e-e "okoku loka Edeke kotoma akuan kiton e-e "ejokit." Abeit ngin, nginibore kere. Konye, kokauke kere, arai eong onacekon, ediopet lokotoma Akabakanut naka Edeke; eswamai kede yesi kere, kanuka Akabakanut naka Edeke. Ido erai ngin nakabeit.

35 Kwana abuni eong, arai erai naedolit, ido koomitos yesi ebe kijaar oni apak nailosikina, akotokin eong alimokinyesi kwa apotu isio amotar ngun. Ngin ebuni topearaun naedolit, inacan, apak edit bon? [Kotemarete ijaanakinak ebe, "Kolot ngaren. Cut."-Ekewa.] Onac, onac Ness ka kes...Edolit. Ido epedori araut ebe ingarakini ijo mot. Abuni asubit bala ingarakin ijo amisiikin.

Ewadikat eong, ne, ice kotoma oboro lu eitunit eong luapotu kesi kolemasi kangina. Ido kwangin apotu kesi ingitata eong, nueyuunit eong kanuikamunitos "tiriniti," arai eyuunit eong ebe ejai "tiriniti," naka Edeke?

36 Kwana, inacan, nekidolokina oni na, amuno eong ebe, neengetakinor na, ebe ibuni oni araut inacan ngupengul luirai lem oni adaun aojau ngin. Iany ijo? Konye apupi eong ebe eburat eong ngin mamakus, naarai eponenenete ikusitunga airiamununetaka ido mam cut eong akoto ajukar idio kakesi awai ingalagalatai.

Ido alimonokini duc eong itunga luiwadikanakinete eong aingiseta, kokinga kanu alimonokini eong

kolutaari...Ido ejai ekewadikanika ne, kaiceda. Arai kengitata kesi eong aingiset, "Dobodo na, arai dobodo ya?"

Abu eong atema ebe, "Kingit ekonicokon, itei ijo. Naarai, arai engareniki ngesi ijo kiton ne, kiton ijo adumun Emoyo Lokalaunan, abuni ngesi ayangar ijo ngaren, itei ijo. Itei, ijo, ingit ekonicokon." Naarai iboro ludidik, kwape kangul eyangaunete eigur, ido kanuka ngun ekunyarit eong awai kama ejai ngin, itei ijo.

37 Kwana, ido abalai eong ebe arai eong e-ekatiijon loka iriongeta. Kwana, mam eong arai. Aomit eong ebe eumokina iriongeta, konye nemunaror eswamae loka eriongetekon, ngin nges asurokinit eong. Iany ijo? Mamace arai erai Oneness, arai-arai tiriniti, arai idiobore yenerai ngesi, eswamae; ebe idolok ijo toma aiboisit, ijo kwana...kosodi atemar ebe, "Irai isio Assemblies of God."

"Eebo, ingaibo ngin itorit orot?"

"Oo, ikosi inacan ngul. Enyaritai kes-enyaritai kes ebe United Pentecostal."

"Eebo, ingaibo ngin ejai ngina?"

"Oo, inacan luka Foursquare kesi ngul. Oo, irai isio inacan lukaumokin. Kijaar isio kede eidicane loepol noi, idiopet kayenice."

"Oo, iyuunitos yesi kere ibore idiopet?"

"Oo, eebo, iiyunit isio."

Kwana, eebo, inyobo kiinakinit yesi ijaas koipone kalo?"

Eebo, ibatisaete inacan lu koiponee kalo. Ido lu ibatisaete koipone kalo, itegelikina kede isio. Ido ibatisaete,lu..."

38 Kwape kangina ko South Africa, onac, apotu isio etoroto kotoma kangun. Apotu kesi kengitata eong. Atukos adiopet ibatisai irwanauni ebuburia. Ido nace ibatisai irwanauni ededia. Kosodete kesi atemar ebe...abu eong atema ebe, "Aibo idumunitotor yesi ngun?"

Abu ediopet kotema ebe, "Neabu Ngesi kotwania, ebalaba Ebaibuli ebe abu Ngesi olur ngaren," kosodi atemar ebe, "kanuka ngun ekoto oni aitulur kesi ngaren."

Kasodi eong atemar ebe, "Eebo," kanejai atukos nace ya, "inyobo abu...Dobodo yesi?"

Ebalas ebe, "Ijo idaitor etunganan kede ekereet koluri kwap?"

Eebo, ido ijeni ijo inyo? Apotu kesi kotiakakinos kosodete aismamaun atukono aarei, iriongeta iarei. Oo, asianut, inacan! Ngun kes nuekoto ajokit. Ngun kesi nuekoto ngesi. Eebo. Aitolomikin akusiwat...

39 Kwana, itei ijo, mam erai Apostolic Faith Mission, arai-arai Pentecostal Assemblies, kowai kaje. Mam erai ngun. Ejaas itunga lukajokak kotoma atukono ngun aarei kere, kwape ejaatar ne. konye, itei ijo, erai eswamae loka ibore.

Erai kwape Itolikan, kwape duc alimununa eong. Arai erai ngesi Etulikat, ido kogongakina nejai Kristo kanuka aitajario, itajaruna ngesi. Abeit cut, edolit ngin. Arai egongakina ngesi nejai ekanisa, eoliorit ngesi. Ido idio kotoma kayesi inacan luka Pentekosit ijenete, arai iseseni oni nejai ekanisa loka Pentekosit kanu aitajar oni, "irai oni, idiopet kotoma otunga, lujai erono noi," edolit ngin, naarai ioliorit do oni. Edolit ngin.

Konye arai iseseni oni nejai Yesu Kristo, itajaritai do oni, "kanuka akoniyuun," (ebe, inyo?) aswam naedauna. Ido iboro lu ludidik, ka ijeseio, mam eyangauni adiotiaketait naepol.

40 Kwana, abu eong alimok Onac Scism, ai...ka Onac Ness, "Kanu abongokin akusingiset," abu eong atema, "kwana, mam eong ayangarit imodiowai kede yesi inacan. Ido ajeni eong, anyoun nakipegetar yesi, yesi kere iarei ibucaritos. Iany ijo? Naarai, ejok do eong araut loebucarit kotoma aisisianakinika, ido adolite kotauka, itia adolit kotoma aisisianakinika, ido arono kotoma otauka." Iany ijo? Abu eong atema ebe, "Kakere, erai ejautene loka etaukon."

Abu eong etarau nginnatamanara, kanu ajenun na: ebe, arai etunganan, mamace nuiswamai ngesi, ido koipone ali etiakaror ngesi, ido nuinera ngesi nuikamunitos eong; arai kotoma kotauka, mere kotoma opelu bon, konye kotoma otauka arai mam eong apedori amin etunganan ngol kwape kaminar eong ediotunganan kere, kwangin ajeni do eong ebe ejai ibore yenerono kotoma kane, itei ijo. Edolit ngin naarai, erai ngin-erai...mamace arai ngesi...

41 Abu onac kobu, pac, onac loka Okanisa loka Kristo. Ido, oo, abu ngesi konyou aibwo kangina, kosodi ngesi atemar ebe, "Erai ekesa lo ejokit." Iany ijo" abu ngesi kotema ebe, "Inera ngesi nuka Emoyo



Lokalaunan." Ebalan ngesi ebe, "Emamei ibore kwape kangin. Kesi, eebo, ikiyakia itomonaarei bon kesi apotu kodumutu Emoyo Lokalaunan. Kosodi-kosodi aitangal naka Edeke aponi bon koinakinai ikiyakia ngul itomonaarei." Kosodi alosit ngaren nepetai atutubet naka esawa.

Kasodi eong atemar ebe, "Ipak edit ber, onac. Aomit eong ebe ibusakinit ijo ainakin eong arereng ayuar Na, itei ijo. Abu eong atema ebe, "Ibala ijo ebe inera ijo neinerar Ebaibuli, ido ebe ililingi ijo neililinga Ngol."

Kosodi ngesi atemar ebe, "Iswamai kwangin."

Abu eong atema ebe, "Kwana, ibala ijo ebe ikiyakia itomon ka luarei bon apotu kodumutu Emoyo Lokalaunan. Abala Ebaibuli ebe, "Ajaas akwatat akaisareitoma agola naka okuju neabu Emoyo Lokalaunan kodouna, angor kede kere,' ido ijo icamuni alimokin eong, ijo iomit ebe amameotor Paul Emoyo Lokalaunan? Ido abu ngesi kodum Ngol apak naepol akaulo naka ngun, itei ijo. Ido ibala ijo ebe, "Ainakineta naka aitangal naka Edeke aponi bon koinakinai nejaas ikiyakia itomon ka luarei.' Ido abu Stepano kolot kwap, apaarasia adis ekaulo, ido mam ngesi arai ediopet kotoma otomon ka luarei. Mam nges arai karaida ekalimonokinan. Arai ngesi edikonit, ido abu kolot Samaria kosodi airenge ajokin." Kasodi eong atemar ebe, "Oo, onac!" Elilingi Ngol noi kane, eebo, neabeitor ijo aric ngin.

Ido akaulo nangetakinor, "Konye," abu eong atema ebe, "Etimit eong ijo kanu anyara eong ebe ejokit, 'naarai ajeni eong ebe mam ijo ipeleikinit ngun."

Ido neangetakina ngesi, abu ngesi konyou. Ebalan ebe, "Ejai ibore idiopet yenapedori eong alimun. Ijaatar ijo Emoyo Loka Kristo."

42 Abu eong atema ebe, "Kwana, onac, inyobodo arai eong, ejokit araibo loka Kristo?" Iany ijo? Iany?

Konye alimokini eong ijo, itei ijo, naarai etunganan, apedori ngesi amisiikin ebe amina eong nges; mamace, karaida etepegit ngesi, ido itepegite erono noi ido konyunyura noi. Ngesi...

Arai eong ekamejan, ido kede itiang luka ais, aijaraka kere. Ido atemasani itunga ebe, "Eipone ali..." Apak ngin naaritor eong adubu, kede ekileng, itei ijo. Ebalan ebe, "Ijo mam abu okurianar nges?"

Abu eong atema ebe, "Mam korai ti eong akurianara nges, ti nges kaar eong, itei ijo."

Konye, itei ijo, mam ijo ipedori-mam ijo ipedori aingalingal kesi. Ejenete arai ikuriana ijo kes, arai mam. Okurianar ber ijo asigiria, kosodi aanyun nuebuni asigiria aswam, ebuni aibamakin ijo. Iany ijo? Kwangin arai ikuriana ijo...Mam ijo ipedori aingalingal ngin. Ekoto ijo kojaatar ngin cut abeit.

43 Koipone kangol nges ejaar kede Satan.

Koipone kangol nges ejaar akidingos naka itunga. Ekoto ijo amin itunga. Mam ijo ipedori atuput ngin aituput ekoto ijo kojaatar ngin. Ekoto ijo kojaatar ngin, arai mam epote ikoniriagin aitodun kanenice, itei ijo. Edolit ngin. Ebeit ijo teni komina itunga, ido ejenete kesi ebe imina ijo kesi. Itei ijo, ejai ibore yenikamunit ngin.

Kosodi do etunganan kwana, anyarar akaberu, apaarasia adis kau, kosodi atemar, "Onac Branham ejai?"

Ebalan ebe, "Mam."

Ebalan, "Eebo, idiopet ibore yenabuni eong alimun. Mam eong abu acamanar kede nges, kotoma asioman akiro nuka ediini, konye abala eong ebe erai ngesi ebulesit loka Kristo."

Eebo, kwangin, ido eroko eong enyouna, abu ngesi kejukak eong ebalua, kosodi ngesi atemar, "Ajai eong abunore, katipet ibong ijo. Akoto eong aibatisao ngin naka Emoyo Lokalaunan nainera ijo nuke."

44 Kwangin, itei ijo, korai ti ijo kojauna...Korai ti eong ajauna kede aipup ngin, naka atemar ebe, "Inyobo, emamei ibore kanekon. Ekonidiini lomojong emamei ajokis, ido-ido yesi itunga luka Church of Krist kere emamei ajokis. Emame yesi ajokis. Iraas yesi-iraas yesi ajokin." Timam eong eriu etunganan ngol. Ido korai ti alimokinite eong ngesi ebe amina eong ngesi, ido komam eong apeleikinite kotoma otauka, ti nges ejenunit ngin ejok. Kesi ngun kere nuejaas toma kangin. Ekoto ijo opeleikinite ngin kotoma otaukon.

Ido erai ngin kotoma akuaresinei nualosio eong kinga kotoma olutaari, kokwap naka amisiikin aomisio kangin, itei ijo. Mam eong aoomoi nuikaminitos ngin. Mam eong anyami angetakin, ageun osawa loka inyamata luka atibong; kasodi ailung ka ailip, ka aiboi kotoma agola. Naarai, abu Ngesi kisumunik eong ebe ebuni Ngesi aswam ngin. Ido kanuka ngun alosi eong komamei etoribe edio loka abuonokin, naarai abu Ngesi isumunik ebe ebuni Ngesi aswam ngun. Kanuka ngun, itei ijo, eka...ajeni eong ebe erai akalosikinet (inyo?), akapeleikinet erai (inyo?), kanuka aiyatakin ngaren Akabakanut naka Edeke.

Arai kelot etunganan kowai lo, kowai je, ekanisa edio loelosi ngesi; boni ebe ebuni ngesi nejai Kristo,

mam ngun eraas nuepolok mamaka. Ido ejai ngin toma otauka. Iany ijo? Ido Mamace, arai kilot oni kasodete alomar toma Okanisa loka Kristo, eraas ngun kere nuedolitos. Ejok ngin. Arai ngesi...Ekanisa enyoin elomari ngesi, mam ngun eraas nuepolok mamaka. Konye bon ebe abu eong eriu eketau kede Kristo, ngesi ibore yenapolon.

45 Kwangin abu eong atema ebe, 'Onac Ness, mere araut loetegelikina...' Kwana alosi eong ai...Erai tope naejok aitwasam na, onac? [Kotemari onac ebe, "Cut."-Ekewa.] Abu eong atema ebe, "Akoto eong alimun ka aitetemun." Ido, kotoma kana, apedori eong alimokin yesi inacan kane. Kwana, mam ilimuni na akidingos naka esipanakon. Arai ibuni ijo, kosodi aiswamaikin eong asianut, koinak eong araun onacekon. Itei ijo? Ido eong, ido arai-arai ebucarit eong, itimoi do ijo eong. Konye akoto eong aitetemikin ijo, kwape erar ebe ejaas atukono ngun aarei iboiete kane atupuruc na, luka Oneness ka luka-luka Assemblies, da, ka luka aiyuun naka tiriniti.

Kwana akoto eong alimun akirosit na. Akoto eong alimun ebe eyuunit eong ebe iwaitin iarei kere ibiroro, anyoun naepegetar kesi idiopet kayenice, naarai eroko akecelosikineta. Ido anyoun naerokatar alosikinetakon, mamace nuera apeleikinetekon, konye alosikinetekon nejai apeleikinet ngin erono, akepolou mam cut ebuni aswam. Edolit ngin.

46 Kwana, icetunga atemasi ebe, "Onac Branham, irai loka Jesu Only." Akoto eong alimun ebe erai ngin aibucaret. Mam eong arai loka Jesus Only.

Icetunganan ebala ebe, "Onac Branham, ijo irai loka Tiriniti?" Mam, ipa. Mam eong arai loka Tiriniti. Arai eong Ekristayot. Iany ijo? Mam eong-eong-eong...Akirot tiriniti mam elimunitai karaida kotoma Obaibuli, akirot "tiriniti." Ido mam eong eyuunit ebe ejaas idekesio iuni luegelegela.

Eyuunit eong ebe ejai Edeke ediopet kotoma oyapiesin iuni: Papa, Okoku, Emoyo Lokalaunan. Ngin nges apolou naiyakiaritere oni aibatis Kokiror loka Papa, Okoku, Emoyo Lokalaunan. Eyuunit eong ebe erai Edeke itidisiar, ijusun kwap.

47 Kwana, Edeke, apak neageunia Ngesi aitodikin etunganan nasodit, ajai Ngesi toma ojautene loka Epir loka Akim. Iyuunit ijo ngin, mam? E...Ekasioman Ebaibuli edio loejeni ebe Epir loka Akim lojai toma amoding arai Edeke, ebe arai Ngol Emalaika loka Aitutuket, loarai Kristo.

Naarai, abala Ngesi ebe...arai Ngesi...Mam arai...Eyuunit eong ebe erai Yokana eijiri 6 ngina, abala Ngesi ebe, "Eroko Aburaam ejauna," loka "AJAI." Arai Ngesi "AJAI."

48 Kwangin, arai ngol Edeke, lokalaunan; karaida etiro etunganan emoru, ibusakinit nges koyarai, itei ijo. Edolit ngin. Kwana, atamit Edeke ngopengol aswam ekerot abongun toma nejai ikesubbat yenabu Ngesi kosub. Kwana, mam Ngesi apedori aikunyun osiepikec, naarai adiakaritos kesi, ido mam aokot nuka akinei ka amerekekin apotu olemasi awai adiakar. Ijeni oni ngin. Arapiarete adiakar arapiar bon.

Kwana, konye do Edeke ngopengol loarai Epir loka Akim, abu koraun akuan, kotoma Okokuke, kosodi ajaun toma akuan nanyaritari Ejakait Yesu Kristo. Abala Ebaibuli ebe, "Tomake nges eboio aleleba naka Edekeone kotoma akuan." Ido abala Yesu kotoma...Eebo, kotoma Timoteo losodit 3:16, "Komam abunokin, epol aiyeyea naka ayongit Edeke." Ido arai apedorete kwi anyara ngin ebe epol, kanukinyo, anyoika tikiswama oni, iany ijo? "Epol aiyeyea naka ayongit Edeke, naarai abu Edeke aitodiar kotoma akuan, apotu imalaikan koanyutu Nges, kosodete adakar toma Aibuses," kaceda.

49 Kwana, ido abala Ngesi kotoma Yokana eijiri, mama ejai Tomas, "Kiany ijo Eong, iany ijo Papa. Ido kanukinyo ibalar ijo ebe, "Kitodikinai isio Papa'?" Abala Ebaibuli, ebe, "Ajai Edeke toma Kristo, itupucikini akwap mamakeng."

Kwana, mama Edeke epedori araun itunga iuni, idekesio iuni. Karaida Yesu araut Papake elopet, kotoma odiopet. Iany ijo? Kwangin, itei ijo, itarauni aomisio ngun aarei kere nuibucara.

Kwana, ido kwana arai imisiik ijo, emamei aiboisit...Arai idum oni Idekosio iuni, irai oni ikapirin. Kwana ijenioni ngun.

Kwape abu Eyudayat alimokina eong apak adiopet, neajaar eong eneras kede nges, ebala ebe, "Alibo kotoma kakesi erai Ekusideke? Alibo erai Ekusideke, Papa, Okoku, araibo Emoyo Lokalaunan? Alibo lokus?"

Kasodi eong atemar ebe, "Ijeni ijo, emameete Idekesio iuni."

Abu ngesi kotema ebe, "Mam ijo ipedori atubutub-atubutub Edeke kotoma atutuben auni kosodi ainakin Ngesi nejai Eyudayat."

Abu eong atema ebe, "Mam, ipa." Abu eong atema...

Ido angaleunit John Rhyn amudukanut, kangina ko Fort Wayne, ijeni ijo; ido rabi lo kane ko Mishawa...arai Fort...Benton Harbor. Abu nges kotema ebe, "Mam ijo ipedori atiakatiak Edeke kotoma atutuben

auni kosodi ainakin Nges nejai Eyudayat."

Abu eong atema ebe, "Abeit cut mam.Mam eong eswamai kwangin." Abu eong atema ebe, "Rabi, mam kereka etionikini ijo aiyuun inabin?"

Ebala ebe, "Mam."

50 kasodi eong atemar ebe, "Kotoma Isaia 9:6, ingaibo enera ngesi nuke, 'Mamawok eurikinitai Ikoku, enyarao nges Ekapuron akiro, Edeke Lokapedor kere, Ekabaka loka ainapakin'?"

Ebala ebe, "Arai Ngol Mesia."

Kasodi eong atemar ebe, "Kwangin, Rabi, anyoin bo arucokina naebuni ajaun kiding Mesia kede Edeke?"

Ebala ebe, "Ebuni Ngesi araut Edeke."

"Ngun kesi nuabu eong aomite." Iany ijo? Kwana, itei ijo, edolit ngin cut bec. Ngin nges erai Ngesi. Ido kwangin abu do eong atema, "Kolimokinai kwana neabu Yesu okurwokina aitodolikin cut becebec nuabalas inabin ebe abuni Ngesi aswam." Kosodi ngesi agear aimony kosodi abwobwo. Abu eong atema ebe, "Kanuka Ngun, nges ekwenyia John Rhyn." Iany ijo?

Kosodi ngesi atemar ebe, "Elwana ngin noi kama ejai Edeke ajaut kede Okoku!"

Abu eong atema ebe, "Abu Yawe lokapolon korapia aberu, kwape abalar enabi ebe abuni Ngesi aswam, kosodi asubun abeet naka Aokot. Ido kotoma abeet ngin naka Aokot nges alomuna akuan naka Kristo.

51 "Koany, kotoma Aitutuket Namojong, Rabi," abu eong atema, "nealasio etunganan ainakin asubanit, alemuningesi imerekek. Ajeni ngesi ebe abu ngesi kobil aicorakineta nuka Edeke, kwangin alemuni ngesi imerekek. Alimori ngesi akedikanareta, ido ayario ikemerekek. Nape...idokosi akekanin kokuju naka imerekek; akelimorete ebe ajeni ngesi ebe ebusakinit nges atwanare kanuka akediakar, konye ajai imerekek aibwo aiboisitike. Kosodete abukor aokot; kosodi ngesi aiting imerekek kede akekanin kiton neapupuna ngesi aijar naka ngin enyouni kotomake, kosodi aiteregegear. Kosodi do esasedoti abukokin aokot toma-toma akim, otem loka aisinit loka etube."

Kwangin abu eong atema ebe, "Etunganan ngol do anyouni ngesi kanen, ojeni ebe abu imerekek kobwo aiboisitike, konye abongori ngesi kede eimiel ngopengol loajaatar nges neabunio, itei ijo, naarai mam apedori alemar adiakar.' Kangina ajai asubanit na ainanakinio kangolikaru. Konye," abu eong atema, "kwana, do, adoketait kana 'ekamaan loadaun aiswag, emameotor bobo aomisio nuka adiakar." Naarai...

"Koany, Rabi. Kotoma obore yenaokot yenenyaritai hemoglobin, ijar ngin yenegeuni kotoma aokot, yenelomuni kanerai ekiliokit, kiton nejai aberu. Kosodi aberu aitolomun abeet; konye, epedori akokor aurun abeet, konye arai mam ejauna kede ekokor lokiliokit, mam epedori abekun."

52 Kasodi eong atemar ebe, "Kosodi Edeke, lokapolon kere loabu ileleb apakio kere ka apak, aijesun kwap nejai ibeet idiopet nejai akoik naka aberu." Kosodi eong atemar ebe, "Nakitajarere oni lolo...mam Yesu arai Eyudayat arai Emoite, naarai etolomuni bon abeet akuan. Aokot nges ejaas kede Aijar. Kwangin oni-irai oni...Abala Ebaibuli ebe, 'Kitajaritai oni kede Aokot nuka Edeke.' Itei ijo, mam Nges arai Eyudayat karaida Emoite; arai Ngesi Edeke. Kanuka ngun, nekibunio oni otem kasodete aibwaikin akaniniwok, kanuka aiyuun, akouKe, kasodete aipup anyilinyilio ka aiturur ko Calvary, kasodete alimor adikanaretawok, ebe idiakarit oni, ido abu Ngesi kotwana aiboisitiwok!

"Kwangin, iany do ijo,"abu eong atema ebe, "aokot nuka imerekek kangina mam epedorete abongun nejai lo, aokot nu...Aponi obwangai icokat, kosodete alacakin aijar ngin, kotoma aibwang icokat yen yenaokot nuka imerekek, mam apedori abongun nejai ikamaan, naarai arai aijar naka itiang, ido mam apedori akamanar kede aijar naka etunganan.

53 Konya lolo apak na, neabwangere icokat ngin yenaokot, mam arai etunganan tai. Arai ngesi Aijar naka Edeke, nges aponi koinakinai. Ido neidokokina ikamaan akaninike, kanuka aiyuun, nejai Okoku loka Edeke, kosodi alimor akedikanareta, mere aijar naka ecetunganan, konye Aijar naka Edeke ebonguni nejai etunganan lo, naerai Aijar namam edaun. Akirote ebe Zoe, najulunitai kwape, 'Aijar naka Edeke Elopote, ido kwana iraun oni idwe lusap ka lu pesur luka Edeke. Erai kwangin."

Abu eong atema ebe, "Kwangin inyobo ngin? Erai Ngol Edeke itidisiar. Abu Ngesi kobu, nasodit; amamei itunganan yenapedori atiror Nges,' naarai abu etunganan odiaka. Kosodi Ngesi abunore kwap kotoma akuan, 'kanu aiyir adiakar...kanu alemar adiakar.' Itei ijo, Ngesi, ibore idiopetebon yenapedori Edeke aswam, kanu araut loedolit, nges aswam ngin koipone kangol."

54 Kwape nat, dobodo korai ti eong ajaatar apedor nejai esipan lo atupuruc na, kwa ajaatar Edeke nejai

etunganan, kasodi eong atemar ebe, "Etunganan losodit angoliar abao na, etwani," kosodi Tommy Hicks angoliar? Kwana, kwape nat, eong alemun Carl-... "Onac Carlson, otwana ijo kanuke." Mam tin gin eraun naedolit, ti eong atema ebe, "Leo, irai ijo egirigiranika; otwana ijo kanuke." Mam ti ngin eraun naedolit. Eipone ediopetebon loapedoria eong araut loadolit, nges alomar aiboisitike eong elopet.

Ido ngun kes abu Edeke iswama, Ngesi, Edeke, erai Emoyo. Idoabu Ngesi kosub...Ngesi, abu Ngesi kijulak Akekanin. Ibusakinit ngin korai naesiriebi, nejaas itunga, aoomoom nuka Yawe. Ti Nges epedo abunore, korai etunganan loapol sek, konye abu Ngesi kobu kotoma atuba, kokuju aculuret naka ebolia. Yawe, emonyi kwape imukeru. Yawe, ebolia kwape itelepat. Yawe, iswamai aswam naka aike, kwape keswaman. Yawe, kotoma atumun. Yawe, etwani, kanu alakun; mere icetunganan, konye Edeke Elopel! Itei ijo, Edeke, arai ngol Ekeyapiesi. Kanukinyo? Etamit Ngesi abongun toma otau loka etunganan.

55 Kwana, mam oni apotu apedosi atiror Nges, Kangina. Kane, apotu oni katirosi Ngesi kede akaniniwok. Kwana inyobo abu Ngesi kiswama, kotoma ainakin akuan ngin? Abu Ngesi koraun Yawe kotomawok. Irai oni atutubenaKe. Kotoma apaaran nako Pentekosit, abu Epir loka Akim kobwanger bon, kosodete aisinepikin angajepa nuka Akim nejai nginidiopet, aitodun ebe ajai Edeke atiakatiakaikin Akekuan akidingos naka Ekekanisa.

Kwangin, inacan, korai bon oni apedorete aimorikikin, kasodete ayangaun ngin nepepe! Kwangin ijaun oni kede Yawe kotoma aileleba, nakimorikikinor oni nepepe. Konye eipone ali ipedoria oni, nekinnerar yen kotoma angajepa ido kodumunite aibatisao, idiopet yen; ido aidarit acukumat kalaije, kosodi na? Esmorikikisi Ngin nepepe.

56 Neabu Edeke, kotoma apaaran nako Pentekosit, kobunio kwap, ido kotoma Obaibuli ebala ebe, "Aponi kisinepikinai angejeapa nuka Akim mamakec." Kososdete kesi... "Angejepa, bala nuka Akim," acukuman. Arai Ngol Epir loka Akim etiakatiakaun Elopel ka akorakin elopet, akidingos naka itunga, tetere oni kiraun inacan. "Kapaaran kangin ijenunete ebe ajai Eong toma Papa; Papa tomaKa; Eong toma Papa, ka yesi da tomaKa." Ido, oni, irai oni ipe. Irai oni ipe, mam oni itiakak.

57 Kwana, Yawe Edeke, kane, mam apedori atiror ateker naka etunganan, kanuka Ekekisil Elopel loka alaunit; abu Yawe Edeke koraun aronis kanuwok, kosodi aitac etia. Tetere Yawe Edeke epdori abunore kosodi ajar kotomawok.

Kwana, kwana, naedolokina aibatisao, kwana, itunga luipu...Kwana, ejai ijo aswam ngun, inacan. Araibo, erai kwape abu eong alimokina Onac Scism kede Onac Ness ebe arai ijo...E-egeun epeget. Ido idio, luipu kayesi luisiomitos kane ilosikina adepar eong; konye esisiat eong noi nuikamunitos akirosit na. Ido asiomit eong noi nuka Pre-Nicene Fathers, Airimun naka Nicea, ka ekewadikak akiro nukolosek kere, kaiceda.

Akirot ngin alomuni kotoma Airiamun naka Nicea. Iwaitin iarei kere apotu kodolokisi toma okinyomit; neabu Ekanisa loka Atulik koyangara ewai loka tiriniti, kosodi ediopet je alosit toma odiopeone, ido iwaitin iarei kere apotu ilamaros kinga. Edolit ngin cut bec, naarai ajaas itunga kede ibore yenabeit aswama kotoma kangin.

Ekoto ijo acamakin Edeke iswama ngin, emamei eipud ijo atamit aitacaun ngin. Araunos oni inacan. Enyikokisi oni alosit ngaren kasodete acamakin Edeke aswam ibore yenelosi Ngesi aswam. Arai erai Ngesi Edeke loemamei esange ido kojoni iboro kere, kosodi aidwar awasia kotoma ageunet, eipone ali ipedoria oni aswam imodiobore kanuka ngun? Inyikok ainyikokin alosit ngaren. Ngol nges eipone. Osalak toma orot kwape kabalar eong akuar kaya, kede Yosua wok lokaumokin.

58 Kwana koany, arai ejaas Idekesio iuni...Akoto eong aitodikin ijo eipone loerar na naemamei ajokis. Arai ejaas Idekesio iuni, akepoloun arai do Yesu Papake elopet...Mam ti Yesu epedo araut Papake, kwape arar ediopet. Ido arai ejaas iuni, mam do Ngesi auritai aurio naka abekot. Kwana imwasi bo ai...[Itodiari Onac Branham itwasamai iboro iuni-Ekewa.] Alosi eong alimun ebe Edeke Papa lo; ido lo Nges Edeke Okoku; ido lo Nges Edeke Emoyo Lokalaunan.

Kwana, neijaas yesi inacan luigelegela kane, osesen ber ijo na apak edit kosodi aanyun nuatamit eong adodiar toma. Elipit eong ebe einakini Edeke ijo aanyun ngin. Kwana koany, iyuunitos yesi kere ibore idiopet, konye bon abu ajokit kiding kus kosodi aitiak yesi kanuka ngin. Erai cut ibore idiopet becebec, ido abuni eong aitogogongoikin ijo kanuka aingarakinio naka Edeke, ka Ebaibuli loka Edeke. Arai mam erai Ebaibuli, mam ijaunete ngin. Edolit ngin.

59 Konye kwana koany. [Kitodiari Onac Branham itwasamai iboro iuni-Ekewa.] Erai lo (inyo?) Edeke Papa; erai lo Edeke Okoku; lo Nges Edeke Emoyo Lokalaunan. Eebo, kwana, abwoutu ber oni apak edit, eperikitos iuni ngul king angina; Edeke Papa, Okoku ka Emoyo Lokalaunan.

Oo, mam eong-eong alosi ajaun kede apak nailosikina swam na. Eong... [Kotemarete inacan ebe, "Kolot ngaren! Kolot ngaren!"-Ekewa.] Konye koany, eebo, abuni eong aisunyakini katipet kwape kapedoria eong. Kitimoi eong, inacanaka, konye mam eong-eong- eong cut enerakinar kede yesi, ido

akoto eong-eong aswam na.

60 Kosodi do, koany; Edeke Papa, Okoku, Emoyo Lokalaunan. Kwana, ingaibo arai Papa loka Yesu Kristo? Edeke Ngesi arai Papa loka Yesu Kristo. Eebo kere iyuunitos ngin. Ngin edolit? [Kotemari atukos ebe, "Amen."-Ekewa.] Ejok.

Kwana, ilem oni Matayo 28:19, neabu Yesu kotemara ebe, "Koloto yesi, kisisianakisi akwapisinei kere, kibatisaete kes kokiror loka Papa, Okoku, Emoyo Lokalaunan," apaarasia atomon akaulo kangun, abu Petero kotema ebe, "Kitoronokinos, ido kibatisaunos Kokiror loka Ejakait Yesu Kristo." Ejai aitegelikinet naidelelei nenice. Kwana, enyekikisi...ejai e...

Nginitunganan kere etejena, ka iboro. Ena kane. Akaiyuun na, ido ajai eong bon apesikin ngaren kus, inacan. Mam eong alimununei na kotoma olutaarin; ejai akaninikus. Konye akoto eong aitodikin ijo nuaseseni eong kowaitin iarei kere, kwangin kopukok ijo Emoyo Lokalaunan ngin, itei ijo.

61 Kwana, Matayo 28:19 itegelikina kede Aswamisio 2:38, kwangin ejai do aretokina Obaibuli, ido mam do Ngin ibusakinit apapula naiwadikatai toma.

Kwana arai imisiik ijo Matayo esula lo 16, abu Yesu koinak Petero apukokinio, kosodi ainakin ngesi ilaceta.

Kwana, kiitu, mam Ebaibuli epukorio kotoma asioman naka aomisioit naka ecetunganan. Erai apukokinio.

Arai apukokinio, ageunet ber da. Kanukinyo abu Abel koinakina Edeke asubanit naitelekarit naka Cain? "Aponi kopukokinai mamake," ebe mam arai araito naenyaritai Peach, ka apols, ka emucuga, ka apols. Arai epedori apol ainakin angor amisiikin ebe imujalalasi kesi, ekoto do oni akorar apols bobo, onac. Mam ijo iomit kwangin? Kwana, ebe, kwape eraar ngin namam ejok aipup, konye mam eong apeleikinit alimun ngun. Konye, mam arai apols. Mam, ipa. Kwana, arai erai ngin kwangin, do, "Aponi kopukokinai Abel," ebe arai ngesi aokot nukan papake. Kwangin abu ngesi kijaik aokot, naarai arai apukokinio. Akiro kere adukokinitai toma kangin.

62 Kwana koany, elo kane ekalokan agaria loamamei aijen, amameete kede asioman da naelosikina... abala Ebaibuli ebe amamei ngesi aijen ido mam asiomit. Konye abwoi ngesi kangina, kosodi Yesu aingit aingiset, "Inyaritos yesi Eong Okoku loka etunganan ebe ingai?"

Ebala ediopet ebe, "Kanukinyo, irai Ijo-irai Ijo Mus-..." Arai, "Ebalas kesi ebe, 'Irai Ijo Musa.'"

"Ebalas kesi, kesi Eong ebe ingai?"

Ebala ediopet ebe, "inyobo, irai Ijo Yeremia arai inabin, ido na, ngin, araibo ya."

Abu Ngesi kotema ebe, "Mam ngin erai aingiset. Abu Eomng engit yes. Ebalas yesi Eong ebe ingai?"

Kosodi Petero aitenar, kosodi atemar ebe, "Irai IJo Okoku loka Edeke."

Kosodi Ngesi atemar ebe, "Kisirerengitai ijo, Simon, okoku loka Jona." Kwana kosesen. "Mam erai aokot kede akuan ipokokinitos ijo ngun, konye Papaka lokotoma Akuj." Iany ijo?

63 Kwana koany, kwana, ebala ekaniss loka Atulik ebe abu Ngesi kodukok Ekanisa nejai Petero. Ibucara ngin.

Ebala ekanisa loka Protestant ebe, "Abu Ngesi kodukok Ngol nejai Ngesi elopet." Konye kwana kosesen kosodi amisiikin, koany arai erai kwangin.

Abu Ngesi kodukok Ngol toma apukokinio naka omoyo naka kanu arai Ngesi, itei ijo, naarai abala Ngesi ebe, "Kisirerengitai ijo, Simon, okoku loka Jona. Mam erai aokot kede akuan ipukokinitos ijo nu. Abala Eong ebe irai ijo Simon; toma atiida na" (atiida ani? apukokinio) "Abuni Eong adukokin Ekakanisa, ido ikirigin da luka okatwak mam ipikorete." [Onangi Onac Branham elutaari irwanauni-Ekewa.]

Kwangin, neajaar Petero ebwoi neatakunere Matayo 28, kosodi aibelokin ido, akaulo naka apaarasia atomon, kede apukokinio kangin, kosodi aibatis Kokiror loka "Ejakait Yesu Kristo." Inyobo ainakini ngesi iswamai ngin? Kede apukokinio naka Edeke; ido ajaas kede ilaceta nejai akabakanut naka Edeke, onac.

64 Kwana aticepak etipipili eong ijo apak edit, esiepikon ediopet, konye kobwou ber mot. Emamei karaida aiboisit adiopet kotoma Obaibuli neaponi kibatisaere idiotunganan Kokiror loka "Papa, Okoku, Emoyo Lokalaunan." Emamei aiboisit karaida adiopet kotoma kanuiwadikaere. Ido arai ejai, itodu ngin. Ido arai ipedori ijo adumun aiboisit kotoma akiro nukolosek nukalaunak, kiton naeswamaunere ekanisa loka Atulik, akoto eong ijo aitudun ngin. Emamei aiboisit, kwana, ido erai ngin abeit.

Konye kwana idareu ipak edit, yesi Oneness, itikatikat bon.

Kwana, emamei aiboisit neabu... Arai epedori ediotunganan aitodikin eong ediokokoro loka kanuiwadikaere neaponi kitwasamaere akirosit ngin kotoma Obaibuli, naka "Papa, Okoku, Emoyo Lokalaunan," itepesenitai ijo abunore alimokin eong neaponi kibbatsaere idiotunganan kwangin.

65 Ido ice kotoma kakesi ebalas ebe, "Ijeni ijo, abuni eong ayangar nuabala Yesu, mere nuabala Petero." Arai etegelikina kesi idiopet kayenice, inyobodo ibuni oni aswam? Arai mam kere erai naka Edeke, atutubet bodo ali naka Ebaibuli erai naedolit?

Ebeit kere aiyugaikin ka aimorikikin nepepe, ido apukokinio bon naka Edeke. Isomeronowok mam cut epote aisianakin ngin. Erai apukokinio, tetere ijo ianyuni Ngin.

kwangin, arai apotu itunga ngul iarei koraas luetegelikina, ediopet ka loce, Ebaibuli bodo loka eipone enyoin isiomi oni? Eipone bodo ali ajemuna eong ebe edolit Yokana 14, arai mam? Eipone bodo ali ajenuna eong ebe edolit Yokana 3, arai mam? Eipone, eipone, eipone ali ajenuna eong? Iany ijo?

Konye eipone ediopetebon loapedoria eong ajaun kede aiyuun nnejai Edeke, nges ajenun ebe edolit Ebaibuli ngol, ido eyuunit eong ebe edolit, ido asalakinit abwoi cut kede Ngol. Karaida mam eong amisiikinit Nges. Etolosi eong Nges, kwape kwangin.

Konye neatakanunatar aitegelinikinetu nu, alosi do eong akonyen nuka Edeke, ajenun. Ido Emalaika Ngopengol loiriamunos kede keong kotoma airiamun, ka kuare, nges Ngopengol Loabu kisisianak eong Na. Iany ijo? Kwana koany arai erai na, eipone loejaar na kwana.

66 Kwana, Matayo 28:19, asesenata ber oni apak edit kwana. Ido kwana alosi eong alemun Aswamisio 2:38 kane cut, neabalar Petero ebe, "Ejakait Yesu Kristo." Ido kobala Matayo ebe, "Papa, Okoku, Emoyo Lokalaunan."

Kwana opupok. Abala Ngesi ebe, "Kibatsaete kes..." Mere "kokiror loka Papa, kokiror loka Okoku, kokiror loka Emoyo Lokalaunan." Mam Ngesi abala kwangin. Emamei "ekiror...kokiror...kokiror."

Mam Nges abala ebe, "Kibatsaete kes kokiroria luka Papa, Okoku, ka Emoyo Lokalaunan," naarai mam ber erai naibusakinit da.

Abala Ngesi ebe, "Kibatsaete kes Kokiror (E-k-i-r-o-r) loka Papa, Okoku, ka Emoyo Lokalaunan." Ngin erai naedolit? [Kotemari atukos ebe, "Amen."-Ekewa.] "...loka Papa, Okoku, Emoyo Lokalaunan," akirot naerucokinit, "ka, ka, ka."

Mere, "ikiroria." Mere "kokiror loka Papa, kokiror loka Okoku, kokiror loka Emoyo Lokalaunan." Mere kotoma okiroria luka Papa, Okoku, ka Emoyo Lokalaunan." Konye Kokiror loka, "E-k-i-r-o-r, ediopet, "loka Papa, Okoku, ka Emoyo Lokalaunan." Kwana, anibo kotoma kakesi ekiror loebeitor aibatisa? Erai Ekiror ediopet. Anibodo ebeit? "Papa" erai ekiror loebait aitwasam, araibo "Okoku" nges erai ekiror loedolit, araibo "Emoyo Lokalaunan nges ekiror loedolit?"

67 Erai "Ekiror," kanenice. Ngin erai naedolit? [Kotemari atukos ebe, "Amen."-Ekewa.] Ijeni ijo, kwana akoto eong aingit ijo icebore, do. Arai erai "Ekiror," kwangin, arai abu Yesu kotema ebe, "Ibatsaete Kokiror loka Papa, Okoku, ka Emoyo Lokalaunan..." Imwai bo ai ecamunitos ebe abala Yesu kwangin? ["Amen."] Erai ngin naiwadikaere. Erai Matayo 28:19, "Kokiror loka Papa, Okoku..."

68 [Kongoliari Onac Branham icebore yenitolitolikini-Ekewa.] Erai icebore yenibuni oni...Mam, erai, aomit eong...Edolit, ipa. [Kotemari onac ebe, "Itimoi eong, Onac Branham?"] Eebo. [Akoto eong aijulakin ateepu na, ido mam eong akoto atwaniar ngin."] Edolit. [Aiboisit naemamei ibore kateepu.]...?...

Kwana, "kokiror loka Papa, Okoku, ka Emoyo Lokalaunan." Kwana kopupokisi inacan. Emamei ibore ngin ebe "Papa," naarai Papa mam erai ekiror. Erai emaetait. Emamei ibore ngin ebe "Okoku," naarai Okoku erai emaetait. Emamei ibore ngin ebe "Emoyo Lokalaunan." Ngol nges loerai Ngesi.

Abu eong enera ngun kotoma airiamun naka ijaanakinak atupuruc adiopet, kosodi aberu adiopet... Kokinga naka ainapeta, ejena ebe, idiotunganan kere epedori aitolitol, idiobore kwape kangin. Ebalas ebe, "Idareu ipak edit! Itimoi eong!" Ebalas, "Erai Emoyo Lokalaunan ekiror."

Abu eong atema ebe, "Erai kwangin. Arai eong etunganan, konye mam ekakiror erai 'etunganan.'"

Erai Emoyo Lokalaunan. Mam ngol erai ekiror. Erai ngol loerai Ngesi. Erai bo ngesi emaetait, konye mam erai e...Erai e...Erai e...Mam erai ekiror.

Kwana, arai abu Ngesi kotema ebe, "Kibatsaete kes Kokiror loka Papa, ka Okoku ka Emoyo Lokalaunan," ido mam Papa, Okoku, arai Emoyo Lokalaunan erai ekiror, kwangin alibodo Ekiror? Ikoto oni ajenun.

69 Kwana, ipedori oni adumun ngin kere kotoma aiboisit adiopet kane, arai bon ipedori ijo asesen kosodi-kosodi-kosodi aijanakin apak edit kwana, arai atitingikin apak edit, apeleikinit eong alimun kwangin.

Kwana komisiik Matayo 28:19. Kwana, mam eong abala ebe...

Ipedori ijo, aticepak iswamat ijo ngin, ice kotoma kayesi ainacan arai inacan. Aticepak ilemunitor ijo eitaabo, acepaaran, kosodi asesin kauke, kosodi atemar ebe, "Apotu Yokana ka Mariam kojarata kiyalamasi akaulo." Ijeni ijo, ingaibo Yokana ka Mariam? Inyobo... Ingaibo Yokana ka Mariam luapotu kojarata iyalamasi akaulo? Ejai eipone ediopetebon loilosio ijo ajenun lueraas Yokana ka Mariam; arai erai aitapaset mamakon, kobongo kosiom eitaabo. Ngin edolit? [Kotemari atukos ebe, "Amen."-Ekewa.] Kobongo toma ageunet kosodi aisiom, ido elimokini ijo nueraas Yokana ka Mariam.

70 Eebo, arai abala Yesu ebe, Yesu Kristo Okoku loka Edeke, Ngesi loabala ebe, "Kolototo Yesi akwapisinei kere kolimonikisi, kibatisaete kes kotoma Okiror loka Papa, Okoku, ka Emoyo Lokalaunan," ido mam Papa, Okoku, Okoku, arai Emoyo Lokalaunan erai ekiror, kwangin, arai erai aitapaset, ejok do oni abongor kau ageunet naka Eitaabo.

Kwana apukosi ber oni esula losodit loka Matayo, kasodete agear kangina, itodunit eipone lojaar aur, kiton nakejesunor kwap okokro lo 18.

Kwana kosesen, kwana kosesen ipak edit. [Itetemuni Onac Branham, itwasamai iboro iuni-Ekewa.] Papa lo, kakanika nakoteten; loka okiding lo nges Okoku; ido lo Nges Emoyo Lokalaunan. Kwana, lo nges Papa loka Yesu Kristo. Ngin edolit? [Kotemari atukos ebe, "Amen."] Edeke nges Papa loka Yesu Kristo. Oni kere iyuunit ngin? ["Amen."] Eebo.

*Aurio naka Yesu Kristo ekoni ne. Kedau Yosep aisiner Mariam totoke, koringa...ejenikina, kotakan ngesi ejai akoik naka...*

[Kotemari atukos ebe, "Emoyo Lokalaunan."-Ekewa.] Aomit eong ebe arai Edeke Papake.

*Ido euruni ngesi etelepat,...enyarau ekekiror Yesu:...*

*Konye ekileke Yosep kineru ainyein nges kaiyeiyea naarai korai ekiliokit loedolit, komam ekoto aisurum nges ileic.*

*Konye nakeomoomaa ngun, koany, kitakanikin nges emalaika loka Ejakait kotoma airujasit, ebalala ebe, "Yosep, okoku loka Daudi, sirikiyong aimany Mariam; naarai akepotun erai naka Emoyo Lokalaunan.*

[Kotemari atukos ebe, "Emoyo Lokalaunan."-Ekewa.] Aomit eong ebe Edeke nges Papake. Kwana, Kwana Ngesi ejaatar luka Papa iarei. Kwana, Ngesi ejaas kede luka Papa iarei, inacan? ["Mam."] Mam Ngesi epedori ajaunor. Arai abu Ngesi kajaatar, arai do Ngesiikoku yenokal, ido eipone do enyoin loka ediini loijaatar oni kanen? Ekoto ijo acamun ebe Edeke Papa ka Emoyo Lokalaunan erai Emoyo ediopet. Abeit cut, erai. Abeit cut, erai Emoyo ediopet Ngopengol. Kwana, idau oni, ido itei ijo ngun.

*Ido euruni ngesi etelepat, ido enyarao ekekiror Yesu: naarai itajari Ngesi iketunga kotoma aronis.*

*...iswamatai nu kere, tetere itodolikinio...*

Ajai eong aitakunun Nuiwadikaere. Yesi ijaanakinak ijenete, kwape alosio eong.

*...tetere itodolikinio...nuenerit enabi, kanuka Ejakait, ebe,*

*...Epotuuni abekot, ido...idouni ikoku enyarao ekekiror Emmanuel, apolouke,...*

[Kobwouni Onac Branham. Kotemari atukos ebe, "Edeke ejaas kaoni." -Ekewa.] "Edeke ejaas kaoni!" ngin edolit? ["Amen."]

Kwangin do ingaibo Ekiror loka Papa, Son, ka Emoyo Lokalaunan? [Kotemari onac ebe, "Yesu Kristo."-Ekewa.] Eebo, abeit cut.

71 Ngin nges apolou nabu Petero kibatisa Kokiror loka "Yesu Kristo."

Konye, mam eong apodo, arai ibatisatai ijo kokiror loka Aturot naka Saron, Apecel nakaaditot, Aicerit naka atupuruc, eraas ngul da imaeta. Arai edolit etaukon akonyen nuka Edeke, ejeni Ngesi etaukon.

Konye kwana, kwana, abu eong etetem ngun. Kwana, kwana abala eong ebe...Kwana abu Onac Scism kotema ebe, "Kwana!" Abeit cut, asubit ngin bala Oneness, kwangin adolit do ngesi kanuka ngin.

Kwana abu eong atema ebe, "Kwana kane akoto eong alimokin ijo icebore kwana." Iany ijo? Abu eong atema ebe, "Kwana akoto eong aitogogongoikin ijo ebe lu, itunga iarei, eneraas ibore idiopet."

Kwana, abala Matayo ebe, "Kokiror loka Papa." Ngin edolit? [Kotemari atukos ebe, "Amen."-Ekewa.] Eebo. Ido abala Petero ebe, "Kokiror loka Ejakait." Matayo 28:19 ebalala ebe, "Kokiror loka Papa," ido

Aswamasio 2:38 ebala ebe, "Kokiror loka Ejakait." Abala Daudi ebe, "Abala EJAKAIT Ekajakait ebe." Arai bo ingai Ngol? Papa ka Ejakait erai ekiror ediopet."

72 Abala Daudi ebe, "Abala EJAKAIT Ekajakait ebe, 'Iboikin Ijo akanika naka oteten'" Itei ijo, "Kokiror loka Papa; Kokiror loka Ejakait."

Ido ebala Matayo ebe, "Kokiror loka Okoku," ido abala Petero ebe, "Kokiror loka Yesu." Ingaibo Okoku Yesu.

"kokiror loka Emoyo Lokalaunan, arai Matayo ngol ido Petero ebe, "Kokiror loka Kristo," Aijar.

Papa, Okoku, Emoyo Lokalaunan, "Ejakait Yesu Kristo." Inyobo, itekoro noi kwape ebeitor. Iany ijo?

73 Onac Scism kede eong, arai, OnacScism, onac loka Oneness, abala ngesi ebe, "Onac Branham, edolit ngin, konye," abu ngesi kotema ebe, "ngin nges na."

Abu eong atema ebe, "Kwangin, "na nges ngin." Edolit ngin. Iany ijo? Abu eong atema ebe, "Arai erai ngin nges na, na nges ngin. Kwangin inyobodo ipegasi yesi?"

Abu eong atema ebe, "Kwana eong ecorak yesi, inacan. Arai ebatisa eong etunganan, na nges abuni..."

Abu eong atema ebe, "Kwana, Dr Ness lo ne." Kosodi ijo...abu icetunganan kotema ebe, apak edit kau, yesi inacan, ebe ijenete yesi Dr Ness

Eebo, abuni eong alimun ebe, kane, Onac Hicks kane, ejaatar ngesi e...aomit eong ebe ijaatar ijo Edigiri loenyaritai Doctor. Ngin edolit? Eebo.

Kwana abu eong atema ebe, "Arai Dr Ness, loiboie kane..." Kwana abu eong atema, "Korai eong akoto..." Kwana, neayangara eong itunganan akipi, aibatisa nges, acamunit eong kwape abu ngesi kiswama, abueong atema ebe, "Araas ngul imaeta lualosete nejai Ekirorike."

74 Abu eong atema ebe, kwana, itwasamaete inacan luka Assembly imaeta, ido itwasamaete inacan luka Oneness Ekiror." Abu eong atema, "Kwana alosi eong atogogongoikin yesi ebe, yesi iarei kere ibucaritos, ido adolit eong." Ijeni ijo eipone loibunio ijo...Ijaatar ijo itunga luejaas toma oiri koipone kangol, ekoto ijo kojaatar kede aijen adio naka einer kotoma apak edit, kanu asubit bala itiaki mot. Kwangin abu eong atema ebe, "Alosi eong aitogogongoikin yesi ebe yesi kere iarei ibucaritos, ido adolit eong."

Abu eong atema ebe, "Kwana dobodo korai eong akoto acamun Onac Ness, ti eong atema ebe..."

Araibo, araibo Onac Hicks kane, itei ijo. Ti eong atema ebe, "Hicks!" Kwana, ngin ti kereka eraun alimunet naejok? Mam. Eebo, dobodo ti korai eong atemar ebe, "Doctor! Hei, Doc! Dobodo ngin?" Kwana, erai ngin alimunet naiyapaara, mam?

"Neabu," eong alimuna ebe, "eipone loiswamatar yesi Assemblies ngesi ngol, itei ijo. Nekibalatar yesi inacan luka Assembly ebe, 'Kokiror loka Papa, ka Okoku, Emoyo Lokalaunan,' ibalas yesi bon ebe, 'kokiror loka Ekimat, doctor.'"

Kasodi eong atemar ebe, "Kwangin, yesi inacan luka Oneness, nakibatisatar yesi, inerasi yesi ebe, 'Yesu!'" Mam kesi itwasamaete...

Kesi luka, Jesus Only, itwasamaete ekiror "Yesu" bon. Ipu luka Yesu. Konye, erai Ejakait Yesu Kristo, itei ijo. Ejaas luipu...Luibatisaete kokiror loka "Yesu," Eebo, Erai Ngesi Ejakait Yesu Kristo. Ipu luka Yesu, eebo. Ido Kristo erai "Loinyonyoikinitono."

75 Abu eong atema ebe, "Kwangin arai atema eong ebe, 'Hei Doc!'" "Mam cut ti ngin esalaki eorori, kanu ejaanakinan aiwororia loce?" Arai, abu eong atema, "Eipone ngol kiswamata yesi, ewai bon loka emaetait."

Kasodi eong atemar ebe, "Kwangin arai atema eong ebe, 'Hei Doc!'" abu eong atema ebe, "Mam kereka ngin eruo bala eriana, kanu ejanakinan anyara loce?" Araibo, abu eong atema ebe, "Erai ngopengol eipone loiswama ijo ngin, bon kosiep kede inyaraita."

Konye abu eong atema ebe, "Neayangaria eong etunagan akipi, alosi eong ngina kasodi aingit nges, kasodi einer, kasodi ajenun ekekiror ido nuerai ngesi kere, ka akeiyuun.

Kasodi ailip, kasodi atemar 'Kwana Papa, kwape kiyakiaritor Ijo isio 'kolototo kwapisinei kere ido itarautu luka atekerin kere ikesisiak,...'" Ijenete yesi inacan ebe ngin nges nageunet, itei ijo. "'...itarautu luka atekerin kere ikesisiak, kibatisaete kes kokiror loka Papa, ka loka Okoku ka loka Emoyo Lokalaunan; kisisianaknete kes aricit akiro kere nuisisianak Ijo...iboro kere luisisianak Ijo isio.'"

"Kwangin do abu eong atema ebe, "Kotoma alimoretekon naka aiyuun; kotoma alimoretekon naka



akonidiakanareta ka akoniyyuun nejai Okoku loka Edeke, ebatisai eong ijo, onaceka lominat, Kokiror loka Ejakait Yesu Kristo."

Abu eong atema ebe, "koipone kangol nges ebatisa eong. Etodiari eong ikemaeta, nuarai Ngesi, Papa, Okoku ka Emoyo Lokalaunan. Ido apolou nabalar Yesu kwangin, arai..."

76 Kwana koany. Arai-arai mam ngin erai kwangin, ijaatar do ijo aretokina toma Okokoronokon; ijaatar do ijo aretokina. Ido anyoeka ilosi ijo aswam apak na...Dobodoarai enyou onac loka Budha kosodi atemar ebe, "Dobodo na?" Inyobo tikelimutu kesi nealimokinatar eong ebe...

Kangina, neabu onac lo loka India kigimoria Morris Reidhead, kosodi alimokin nges, ebala ebe, "Dobodo Marako 16?" Ajai do ngesaitelekaario kanuka ngin.

Mam ebeit ijo aitelekaario kanuka idiobore. Erai ngin Akirot naka Edeke. Kosalak kede Ngin. Ilip ailip bon. Kodum apukokinio. Elosi kere koriana.

77 Itei ijo, kesi kere iarei inerasi ibore idiopet, kwana; mere imaeta; mere Yesu bon. Abu eong atema ebe, "Kwana..."

Acamunit eong Nges. Arai Ngesi Papa; mere Edeke ece. Arai Ngesi Okoku; mere Edeke ece. Edeke ngopengol! Ijo...Erai iyapiesin iuni. Edeke kotoma adoketait naka araut Papa, arai ikoto ijo anyara kwangin, nuka araut Papa; Okoku; ido erai Edeke ngopengol kotomawok kwana, "Abuni Eong ajaun kede yes." Akirot "Eong," erai alimunet naka etunganan, "Abuni Eong ajaun kede yesi." Kwangin, itei ijo, erai iyapiesin iuni mereIdekesio iuni.

Kwana, onac, arai mam ikiyakia apotu kitwasamata ngol, ido aijesun kwap...

Mam eong ajai alimun idiobore asurokina ngin. Ejokuka ngun kere. Alimokini eong ijo arai ebu etunganan ne, loibatisatai kokiror loka "Aturot naka Saron, Apecel naka aditot, ka Aicerit naka atupuruc," ido iyuunite Yesu Kristo kwape eketajaran, ti eong atema ebe, "Kisirereng Edeke ijo, onac! Ijoba, kalototo!" Iany ijo? Edolit ngin. Naarai arai mam ekonitau edolit, mam ijo idolit, kwape kwangin. Edolit ngin bec. Ido ekonitau-ekonitau ekoto korai loedolit.

78 Kasodi eong atemar ebe, "Kwana koany. Kwana, arai alosi eong ayogan Onac Ness kane, ti eong atema ebe, "Ekimat. Dr. Ness.' Kwangin bec. Erai ngesi ejaanakinan. Abeit nges konyaritete ebe ekimat. Esiomit ngesi, ido aisia naepol noi. Ejaatar ngesi edigiri loadoketait naka Doctor, kwangin ibusakinit nges konyarai 'doctor.' Ngol nges ekemaetai, itei ijo. Ido ekekiror erai 'Ness,' ejaas ngun da. Kwana, mam ti eong atema ebe, Hei Ness! Hei Doc! Mam, mam ti ngin eraun naedolit. Ti eong atema ebe, 'Ekimat. Dr. Ness.'

"Itei ijo, ngun kes nuanyarit eong, itei ijo, nuarai Ngesi; kere Papa, Okoku ka Emoyo Lokalaunan, 'Ejakait Yesu Kristo.'" Iany ijo?

Kasodi eong atemar, "Arai kebatisa eong idio kokinga kotoma okanisanakus kere, eipone ngol nges abunio eong aibatisa kes." Abu eong atema ebe, "Yesi tikijautu nges tope, Onac Ness?"

Abu ngesi kotema ebe, "Eebo cut, ibatisatai nges Kokiror loka Papa, Okoku, ka Emoyo Lokalaunan."

Abu eong atema ebe, "Ijo tikijau nges, Onac Scism?"

Abu ngesi kotema ebe, "Eebo cut, ibatisatai nges Kokiror loka Yesu."

Abu eong atema ebe, "Kwangin inyobodo akusitionis, inacan? Inyobo mam yesi icamuniata ngun, kosodete aibilakin kwap arwatatin nuejaas itunga lu luka ican toma...? Ekotosi luka Oneness, abeit cut, esipan, ekotosi aima kede luka Assemblies. Ido luka Assemblies, esipan, ekotosi aima kede luka Oneness. Ido ejaas inacan koipone kangol. Ejaas kesi koipone kangol. Konye anyoun naepedoria ajokit ainakin kes ejie..."

79 Kwana itei ijo nuapeleikinit eong, inacan? Ajai eong abear nejai ibore ngin idiopet. Yesu Kristo, ka aimorikikin naka akuan naka Yesu Kristo. Ngin nges akalosikinet. [Kotemari atukos ebe, "Amen."-Ekewa.]

Kwana, mam eong alimuni idiobore yenikamunit, "Hei, mam ijo ibatisatai Kokiror loka Yesu; ilosi ijo ogeena."Kwana, emamei ngin ajokis.

Abuni eong alimokin ijo nuapotu kiswamaunos apaaran kaya. Ajai eong laiije Texas. 'Eroko enyouna... Ido e...eraas inacan kane ikajenak luka kana. Ekanisa loka Oneness, ikanisan akaisakanykaarei ka luarei, kesi atacete akairiamun. Kasodi eong aibwaikin Onac Petty, onac loka Assembly of God, kulutaari akuar ngin. Kwana, ijenete yesi ebe erai ngin nakabeit. Erai ngesi onac loketiai, Onac Petty, arai ejeni idio kayesi nges, kolomunite ko Beaumont, Texas. Erai ngesi ediopet kotoma otunga luajokak noi lueriamunatar eong. Akeberu erai Atulikat naibelokina, aberu nakalaunan obe. Erai ngesi etunganan obe loka Edeke.

Kolimokinai eong ingaibo erai etunganan loejok adepar Roy Wead, loka Assemblies of God. Kolim edio kotoma otunga kalu, kongolia ne, inacan lu kere luajeni eong kane. Onac loelomunit kokanisa loka Piladelupia kane, ka itunga luka Assemblies of God, ido ani bodo bobo itunga luejokuka kakere? Kolimokinai eong aibo ejaas. Kolimokinai eong ingaibo etunganan loejok adepar Jack Moore? Kolimokinai eong ngun. Erai ngesi luenyaritai ebe...Elomunitos kesi kotomakec. Mam nges erai etunganan loitegelikina aomisio. Idumuni ijo aomisio nuitegelikina kotoma owaitin iarei kere; ido nen nges edoditos itunga, ido nen nges edodit ajokit.

Konye kesi kere eraas itunga luka Edeke. Ainaki Edeke kesi Emoyo Lokalaunan. Korai mam erai kanuka asianut naka Edeke, ti oni kere imamei, kede ipegetawokka iboro. Edolit ngin cut bec. Konye asianut naka Edeke nges irucokinit oni nepepe. Komam abuonokin ipedorit oni awoere, "Kisirerengitete aenet naerucokinit iwokitauon kotoma amin naka Ikristayon." Ngun kes nuipuda do oni.

80 Ido kwangin ijeni ijo inyo? Abu Ekaanyanaran lokapolon loka-loka ekanisa, kanyara eong, kosodi ngesi atemar ebe, "Ijo ijeni nuabu ijo iswama akuar natubor?" Akuareka naiyareit kangina.

Abu eong atema ebe, "Inyobo?" Abu eong atema ebe, "Abu eong ajaun kede airiamun nakaumokin."

Ebala ebe, "Abu ijo kojaun kede etunganan olutaarikon loerai ekadiakanaran."

Abu eong atema ebe, "Mam eong ajeni ngin." Aibo ajai...

Ebala ebe, "Ngol Ejakait Petty."

"Oo," abu eong atema ebe, "ekadiakanaran? Inyobo? Abu eong atema, "Erai ngesi ekalimonokinan loka Assembly of God, onac."

Ebala ngesi ebe, "Eebo, konye erai ngesi ekadiakanaran ba, naarai mam ibatisatai ngesi ejok."

Kasodi eong atemar ebe, "Onac, elipit eong kolimokinai eong inyobo." Abu eong atema ebe, "Ejaatar ngesi kede Emoyo Lokalaunan."

Abu ngesi kotema ebe, "Onac Branham, abala bo Petero biai? 'Kitoronokinos, ido kibatisaunos Kokiror loka Yesu Kristo kanuka aisionio nuka adiakaretakus.' Kanuka ngun mam isionitai akonidiakanareta kiton nekibatisaere ijo kokiror loka Yesu."

Abu eong atema ebe, "Ngol tope erai eipone loiswamaere, onaceka?"

Ebala ebe, "Ngol nges eipone loiswamaere."

Abu eong atema ebe, "Abu Edeke ijulak ekeswamae apak ngin, kotoma Aswamisio 10:49, naarai, "Nape eroko Petero inera akiro nu, kodoikini Emoyo Lokalaunan ngul kere lukiirarete Akirot,' itei ijo, ido mam ber kes ebatisatai, nepecepe da. Kwangin, abu Edeke koinak Emoyo Lokalaunan nejaas itunga lumam ber ebelokina da?" abu eong atema "Aibo kotoma akwap kibwoio do ijo kwana?"

81 Ebala ngesi ebe, "Ijeni ijo nuilosio isio aswam?" Ebala, "Ijai isio abwaun ilunguret, idoigolori isio ijo kinga naka alunguret."

"Kwangin," abu eong atema ebe, "Alosi eong ainomun acelunguret, kasodi agolun yesi toma bobo." Abu eong atema ebe, "Mam yesi ipedorete agolor eong kinga, naarai amina eong yes. Itei ijo, mam ijo ipedori aswam ngun." Abu eong atema ebe, "Ejaas luipu koinacanakan-koinacanakan king angina lueminas eong ido iyuunitos eong." Abueong atema ebe, "Ijo, abuni eong-abuni eong...Epote kesi kwape kwangin." Abu eong atema ebe, "Epote. Ido mam ijo ipedori agolor eong kinga. Arai kigolo ijo eong kinga, abuni eong agolun ijo toma." abu eong atema ebe, "Iswamau ijo alunguret, Edeke, kanuka Asianutuke, einakini eong ainomun ace kasodi airiun ijo ainyakun toma bobo." Edolit ngin, agolun kes toma bobo.

82 Ido, onac, oo, kokirorloka Kristo ber eong alim na. Ajaatar eong-eong...ajeni eong ebe ayangaik eong apak kane; ido nepetai eyapie apak naka agolokin, aomit eong, konye eong ber alim na, itei ijo.

Kasodi eong alimokin etunganan ngol, abu eong atema, "Apedori eong aupakin kede ijo anyoun neilimonokina ijo Nuiwadikaere, ido kojaas kede amin, iyuunite ebe-ebe...ido olimonokini ido kobala ebe ibatisai ijo itunga...mere kokiror loka 'Yesu,' Yesu bon. Mam, ipa. Eong-eong abeit cut mam eongapedori acamun ngin, 'naarai ajeni eong luka Yesu luipu; ajeni eong kes kotoma Africa ka aboisio nuegelegela, itunga luemaikitai Yesu. Konye arai ibuni ijo aitwasam akirot naka Ejakaitiwok Yesu Kristo,' abuni eong alosit kede ijo kotoma kangin. Edolit ngin. Abuni aiminaikin nekon. Aomit eong ekoto ijo aibwaikin 'Papa, Okoku, ka Emoyo Lokalaunan' ber, itei ijo, kanu amisiikin ngin ejok." Abu eong atema ebe, "Aomit eong ekoto ijo aswam ngun."

Konye abu ngesi kotema ebe, "Oo, mam, mam! Ebe, erai ngin abongor toma tiriniti."

Abu eong atema ebe, "Mam erai tiriniti. Edeke ediofet kotoma oyapiesin iuni."

Mamerai tiriniti, Idekesio iuni. Imameotor oni Idekesio iuni. Mam cut. Emamei ibore kwape kangin. Mam isisianakinitai Kobaibuli. Ido ejai Edeke ediopetebon "Kiira ijo, Wu Israel, arai eong Ejakait Ekonideke." Edeke ediopet! Aicorakinet nasodit, "Siri ijaas kede idekesio ice kakonyeneka." Abeit cut, erai Ngesi Edeke ediopet, mere iuni.

Erai ngol eipone loka Atulik; ido aponi, kitonyounai anyoun Atulik kiton Lutheran, kosodi aijesun kwap, kaiceda, ido iyuunitai noi akidingos naka itunga lolo ebe ijaatar oni Idekesio iuni.

83 Ido nen nges nemam ijo ibunio apedor...Mam eijiri lo cut epedori alosit nejaas Iyudayan...Luabu eong adwar mamakec atupuruc kaya nejai alimonokinan Loyudayat kangina. Mam cut ijo ipedori ayangar Edeke loka tiriniti nejai Eyudayat. Mam ijo ipedori aswam ngun. Lomam nges erai; ejaatar ngesi aijen naejok adepar ngin. Itei ijo, ejeni ngesi nuipu nuikamunitos Ebaibuli adepar ngun. Konye mam cut Nges erai Edeke loerai iuni, kanejai-kanejai Eyudayat. Arai ipedori ijo ainakin nges ajenun ebe erai Yawe ngopengol, ebuni ngesi aijaun ngin kwape kwana. Abeit cut! Nges nen, itei ijo.

Ido abu eong acam nu kere. Kwape abalar Yosep, "Inacan sirinyunurikinos bonik, naarai eswama Edeke nu," itei ijo. Kanu-kanu ibore kayen...Tetere epedori aidareun kiton apak na, odaun, naarai aturiwok naka Imo eyapie angetakin. Kwana, eyuunit eong ngin kede iwokotauon kere, kwangin isesenete yesi, inacanaka? [Kotemari atukos ebe, "Amen."-Ekewa.]

84 Atamit eong alomar nejai icebore, ebe, atukos na naka itunga, naka itunga luejaas kede aibatisao naka Emoyo Lokalaunan.

Atukosike Aimee McPherson, inyobo abu ngesi iswama? Arai ngin nasodit korai naka Oneness, acamunit eong; kosodi alomun kinga kasodi araun naka Assembly; kosodi alomun kinga aiswamaun erionget loetegelikina; kane pac, abu ibwaik toma itukos yenedit, ibore yenedit.

Eboie eong kotoma airiamunike O.L Jagers. Kwana, ijeni oni O.L Jagers. Papake-papake engarakini ageunio naka atukot naenyaritai General Council of the Assemblies of God. Kwana, O.L erai etunganan lokaumokin. Erai ngesi ekalimonikinan lokaumokin. Abu eong alimok nges, pac, abu eong atema, "Onac Jagers, korai eong apedori alimonokin kwape kiswama ijo, ti mam eong ajaunos kede aijaanakin naka aitangal da." Konye adumunit ngesi aokot ka ibwino ngol kere, ka iboro, neageuna ngesi ageun kangina.

85 Kitimoi eong, arai ajai eong aimusung akusiomisio, inacan, kotoma kangin. Eong-eong...Edolit ngin. Epedori Edeke ainakin aokot abunore, abwino abunore, arai akinyet abunore, idiobore yenekoto Ngesi, konye mam ngin alemari adiakar. Mam, ipa. Mam, ipa. Mam cut. "Mam Aokot nuka Yesu Kristo epedorete atwaniar akecepedor, kiton neelaakunere Ekanisa loka Edeke, komam ediakari bobo."

Abu eong atema ebe, "Onac Jagers?" abu eong ayanga nges; abu eong kanyrauu nges. Ido ajai eong kede luka Christian Business Men. Kasodi eong atemar ebe, eong ebe, "Onac O.L.?"

Abu ngesi kotema ebe, "Aibodo kotoma akwap kana ijai ijo?" Ajai eong toma ooteri yenedit etiai kokinga kangina. Kosodi ngesi atemar ebe, "Ipeleikinit ijo alimokin eong ebe apotu kesi ibwaikisi ijo kingangina?"

Abu eong atema ebe, "Ngol nges ekaipud. Neabu eong abunio mamakon," abu eong atema ebe, "Inyobo abu ijo kiswsama? Abu ijo kibwaik eong toma ooteri loka Startle, ido arai eong aibwo kosooda. Apotu kesi kisiboikisi eong omeesa; mam eong ajeni ekileng loabeit aitwasam, arai idiobore kere. Ido mam eong abu...Abu eong alotngina, komam anapite ekooti, akotosi kwi airutar eong kinga." Kasodi eong atemar ebe, "Mam eong-eong ajeni eipone loka ayait akaijar."

Ebala ebe, "Abuni eong ayangar ijo ngina, arai icanisi kesi noi kanu aswam ngun."

Abu eong atema ebe, "Mam, ipa." Abu eong atema ebe, "Ibore yenakoto eong aswam nges ainyam aturosit naka akiring kede ijo, arai ibuni ijo atacakin ngin."

Kosodi ngesi atemar ebe, "Ejok."

Kwangin do apotu isio alototo toma aiboisit, kasodete aiboikin kwap. Kasodi eong atemar ebe, "Onac Jagers, abeit cut esiyalamikinit eong ijo..."

Kosodi ngesi atemar ebe opaperoka lotau noi, onac loketiai. Ido etingit eong-eong itaabo yenedidi, kosodi ngesi...neajaatar ngesi kede aberu ngin nabu kobu ne kokinga akwap ace, naetingit aokot kakaninike, ka iboro. Kwangin ajaatar eong ngin kotoma kane. Akotobon eong nges ainger ngin kirwanatipet, kasodi do ti eong ajaun kede apedor toma apapulake-apapulake, ijeni ijo.

86 Abu eong atema, "Amisiik eong nejai ijo alosit cut toma, kojaas, ilosi aitegear aisikwarunio naepol noi." Naarai, apotu luka Business Men kojaunos kede eong ngina, eebo.

Esubit bala ti itunga ejenutu. Arai epedori Emoyo Lokalaunan apukor kolutaari, mam kereka Nges

epedori alimokin eong nuelosete ngaren kotoma aiboisio, inacan? [Kotemari atukos ebe, "Amen."-Ekewa.]

Apedori eong alimokin ijo, akirot kede akirot, kosodete aitogogong ngin kama ejai Onac Carlson, ka onac lo kane. Abu eong eboikin airiamun, bian, kasodi alimokin inacan lu nuepote ajaun ne atupuruc na. [Kotemari onac ebe, "Eebo, ipa.-Ekewa.] Edolit ngin. Becebec. ["Amen."] Iany ijo? Naarai abu Emoyo Lokalaunan ketwekeny eong, kosodi atemar ebe, "Kobwo kosiep naka edirisa." Abu eong asesen, kodirisa, kosodi Ngesi aitodikin eong cut becebec nu. Abu eong atema, "Kwana, inacan..." [Kotemari onac ebe, "Edolit ngin."] Abu eong etodik iyese na, becebec cut. Kangina! Iany ijo?

Kanukinyo, ibusakinit kesi ajenun ngin.

87 Kane pac, abu etunganan konyou, kane ko Chautauqua, kosodi atemar ebe, "Erai Onac Branham enabi nakejaar ngesi kwap naka Emoyo loka amisiihin aomosio, konye, ebala ebe, "oo, akeisisianakin erai epoison. Kocoitos ngin." Abu eong aomoom, nuka etunganan loisisiat, alimun ibore kwape kangin?

Inyobo apolou naka enabi? "Ekajulan loka Edeke loka Akirot." Akirot naka Ejakait ebuni nejai enabi," itei ijo. Konye, bon ebe, mam ngin erai airar arai alimun.

Konye, ejaas ngun da, Onac Jagers. Kasodi eong atemar ebe, abu ngesi kotema ebe, oo...abu eong atema, "Aanyunit eong nuikamunitos aberu ngin naetingit aokot kakanike."

"Oo," abu ngesi kotema ebe, "Onac Branham, erai ngin ibore yenaumokin kakere yenianyunitor ijo!"

Abu eong atema ebe, "Onac Jagers, amina eong ijo. Nasodit ber, akoto eong ijo aibwaikin akakan toma kanakon. Alimutu ebe irai oni inacan."

Abu ngesi kotema, "Abeit cut. Inyobo ationis?"

Abu eong atema ebe, "Irai ijo ediopet kotoma alimonokinak lukaumokin luejeni eong nukec. Irai bo lolo ijo ibore yenitwasama kanuka Edeke yeneumokinabiai!"

Abu ngesi kotema ebe, "Eyalama, Onac Branham. Iyapaara teni ijo abeit."

Abu eong atema ebe, "Mam eong alimunit ngin kanu araut loeyapaara. Alimunit eong ngin naarai acamunit eong ngin. Irai ijo ebulesit loka Edeke." Konye abu eong atema ebe, "Onac Jagers, arai mam ijo...Ijai ijo-ijo akerit noi kinga; imameotor ijo asipokina kanuka kanu inera ijo. Ipesikina ijo..."

88 Ido ne nges ejai ationis kede luipu kotoma kayesi Assemblies of God, ka icetunga, kanuikamunitos aijaanakineta nu nuka aitangal. Mam eong etoronit yesi. Ejaas luipu luenyaraunitai...Ido Tommy, kane, erai onac loajokan, ido ijeni oni eipone loegogongor ngesi ebwoi. Konye ejaas luipu toma akwap lolo kokwap naka ekiror loka Aitangal naka Edeke, komam abuonokin nges mam ijo ikotor aitac airiamun kotoma oibuga. Epote kesi aitoonikin itunga, kolosete kinga. Ido inyobo ejaatar kesi? Mam einakinete itunga idiobore yenedeparit nuiswamai ijo kolutaari, kolutaarikon elopet. Ido idolitos yesi inacan. Ajai eong alimokin yesi ebe, idolitos yesi. Konye kwape bala...

Ajai eong aisiom akiro nuka Martin Luther. Abala ebe, "Mam arai ayeiyea ebe apedori Martin Luther aitepeg Ekanisa loka Atulik, kosodi ainyikokin kede ngin." Isiomitos yesi akiro nukolosek. "Konye apedori Martin Luther aikiar akekou adepar akenasit kere nabu kotupak aisikwarunioke, ngin nges ayeiyea."

Ido engetakinis nukaumokin, kotupakinete lumam ekepitai, kwape ajaar kotoma Omisiri. Ido ayanagau duc ngin ationis toma akwap. Ijeni oni ngun, nakilomaria oni king angina. Nabu, kitonyou Korah, ido abu koyangaik Edeke amudiar ngin. Konye, inacan, mam eong etoronit yesi.

89 Iboie Onac Jagers kane ido atamit alimokin ngesi eong ebe arai ngol Emoyo Lokalaunan eswamai ngun. Kasodi eong atemar ebe...Ido kwangin ajaatar eong, kotoma apapulake elopet...abu eong atema ebe, "Onac Jagers, kwana," abu eong atema ebe, "Arai eong ikoku yenasioman naka adoketait naikanyetkaarei. Ido irai ijo loka adoketait naka Doctor loka akiro nuka ediini, ido isiomit araut epuliida. Itopolounitai ijo kotoma okanisa loelai, loajokan, Assemblies of God. Papakon engarakini ageunio naka aiyuun kangin. Ido ijo anyoun awai, ikamunitos ngun ijo." Konye abu eong atema ebe, "Erai ngun nuikamunitos ediotunganan, loekoto aswam ngun. Mam eong akoto aibwaikin ediokoru nen. Konye nakedolokina aiboisit ebe ibore yenitwasama kwape kajo, loipedori airiun ilukumin luka itauon nejai Kristo, adukokin akoniijaanakin nejaas asubanakineta." Abu eong atema ebe, "Onac Jagers, isipok ijo epir koipone kangol, arai imameotor ijo ibore yenesipokin ngol, ebuni aibiror akaulo naka apak naedit. Ido ekoto ijo kojaatar Nuiwadikaere kanuka kanu ijai ijo einer."

Abu ngesi kotema ebe, "Ejai Naiwadikaere."

Eong ebe, "Itodu ngin."

Ebala ebe, "Ijeni ijo, Onac Branham," ebala, "erai Emoyo Lokalaunan ngol iswamai ngun."

Abu eong atema ebe, "Kitodikinai eong Naiwadikaere neabalar ebe, abu Emoyo Lokalaunan koinakina aokot alomun kinga naka akuan naka icetunganan, kaceda, kwape kangun. Itodu aitodun bon; akinyet aleleunun kotomakec. Ibala ijo ebe, 'Akinyet ngin erai kanuka aitangal naka Edeke.' Ido ibala ijo ebe, "Aokot nuka aberu kangin arai kanuka aitajario naka atekerin.'" Abu eong atema ebe, "Arai erai kwangin, inyobodo kobu iswamaikin Aokot nuka Yesu Kristo? Elemari awai. Ido nginibore kere yenesurokinit Ngin, erai yenikasurup. Esurokinit Ngin." Abu eong atema ebe, "Eraun aisisianakin nakasurup naka Kristo."

"Oo," abu ngesi kotema ebe, "Onac Branham, ibuni aisisiaun acepaaran."

Abu eong atema ebe, "Amuno eong ebe enyek eong aisisiaun kwangin. Kwana, onac," abu eong atema, "Amina eong ijo, ido irai ijo onaceka." Kasodi eong atemar ebe, "Onac Jadders, ilosi ijoadokar atenu, akaulo naka apak naedit, namam bobo ijo ipedori adokun kotoma. Obong okanisakon, kosodi abongun kosodi asalakin kede eijiri." Kasodi eong atemar ebe, "Mam idukokini ngin toma asubanakineta." Abu eong atema ebe, "E..."

90 Kwana ejaatar ngesi, ibatisai ngesi toma Aijar namam edaun, ijeni ijo, "Kangolisawa loibatisa ijo, ibongori ijo nejai apese arai etelepat. Kwana elosi ngin...Mam ijo ilosi (mam cut) atwanare." Kwangin, ebe, ngin, ejai ngesi angeset naka atenu kwape kwana; ido kesi "ike luka ebitamen luelomunitos ko Dead Sea." Itei ijo? Konye erai kwangin, onac, ijo ageun kotoma asubanakineta kangun.

Ido yesi ikiliok kane luijaatar ikanisan, yesi acamakin ibore kwape kwa kangin alomun ore, ido, kojenete yesi ebe, epiriana ajokit, ido esomakin ngesi-ngesi toma oboro kwape kangul. Epega ngesi kanuka ngin. Ido einakini ngesi-ngesi itunga awanawanaun, ido eyangauni ngesi eigur toma okanisa, ka iboro. Konye mam ngin erai kwangin.

91 Kwana, kane. Mamace arai idolit ijo biai, yen nges ibore yenibironor oni ka atwanianar, ikainacan. Kwana ajai eong agolokin, kotoma alimun na. Mamace arai adolit eong biai, ido arai ajai kede Naiwadikaere biai, ido arai ajeni eong Ebaibuli biai; arai amameotor eong Emoyo loka Edeke, loka Amin, kotoma otauka, kanuka etungane kere ka kere, akepolou arono eong nasodit ber.

Kwana, abala Paul ebe, kotoma Ikorinton Lusodit 13, "Karaida ajaas kede aijen, itei ijo, ka amissikin aiyeiyea kere naka Edeke, itei ijo; kokwap naka kere, aibwo; ido komamei eong amin, arai eong tai. Ido karaida enera kede angajepa nuka itunga ka nuka imalaikan," erai ngin ngul luinerasi kede Edeke, ido duc ngun numam epedorio aijul. "Karaida keener kede angajepa, angajepa nuabeit nuka itunga ka imalaikan, ido komamei eong amin, amin, mam imedaikini eong ibore." Kwangin arai ajeni eong aiyeiyea kere naka Edeke, ido apedorite apukor kes kasodi-kasodi ainakin kes amorikikin nepepe, ido komamei eong amin, inyobodo ajokis iswamauni? Ido arai eong...

92 Abala Yesu ebe, "Na nges ejenunata itunga kere ebe iras yesi ikesisiakaka, nekijaatar yesi..." nejaatar Assemblies of God amin kanuka Oneness, ido kojaatar luka Oneness amin kanuka Assemblies, "Nekijaatar yesi amin idiopet ka yenice," koraun loidolit arai loirono. Anyoun naeronar apeleikinet, korono alosikinet, atemasi, akepolou ibucarit ijo nasodit ber da. Ngin tope mam erai naedit? [Kotemari atukos ebe, "Amen."-Ekewa.] Itei ijo, "Karaida ener eong kede angajepa nuka itunga ka nuka imalaikan, ido komamei eongamin, mam eong arai ibore ber." Naarai erai Edeke amin. Ijeni oni ngin.

Ido eyuunit eong einer kotoma angajepa. Kwana, abbu icetunganan kotema ebe, "Onac Branham mam iyuunit aitogogonget naegeuni." Akoto eong aitacaun ngin ejok kede ijo kwana. Iany ijo? Epuda eong alimokin ijo.

Eyuunit eong edumu etunganan Kristo, edumuni ngesi atutubet naka Emoyo Lokalaunan. Naarai abala Yesu ebe, kotoma Matayo e-esula lo 12, loka esula lo 5 ka akaisarei-...ekokoro lo 24, abala Ngesi ebe, "Ngin yeniirari Akakiro, kosodi aiyuun Ngol lokejukuni, ejaas kede Aijar Namam Edaun. "Ido mam elomari toma atubokinio; konye atubor kotoma atwanare aloma toma Aijar."

93 Kwana, eyuunit eong emamei itunganan yenepedori anyaraun akekuan; Edeke nges enyarauni nges. Ido arai teni abu Edeke konyarau nges... Ido ejaas itunga luipu, ijeni oni, inacan, luemwaka ido koomitos ebe enyaraunit Edeke nges, konye edodor akeceijar...ijenuni, ijenuni ijo. Konye arai abu Edeke konyarau ijo, inyobo, irai ijo, ibuni ijo ajaun ngina, ido ibuni ijo asalakin ngina, itei ijo, kojen. Kosodi do arai...Kwana, mam ngin erai aisisianakin naka Obaptist. Ijeni ijo ngin, itei ijo.

Konye, mam eong eyuunit aijangijang akanin ka ajaut kede ayuara Namam edaun, ka iboro ngul kere. Mam eong-eong eyuunit ngun, mam cut. Arai ekotosi kesi aiyuun ngun, eebo, ejok ngin. Asalakin eong abala ebe eraas kesi ikanacan.

94 Atupuruc na, korai kobeite eong ailipun atutubet naka araito, (Naerai nepetai esawa loka ainyam luka atibong), apedori aminakin eong araito naenyaritai cherry, ido aticepak imina ijo ayangar apol, konye oni kere iarei ijai ainyam araito. Iany ijo? Kwangin mam ngin iswamauni adio...anyoun nekinyamia oni kere araito.

Eipone ngol nges iyuunitor oni. Arai ikoto ijo araut loka Oneness, koraun loka Oneness; arai ikoto ijo araut loka Assembly of God, koraun loka Assembly of God. Arai ikoto araut loikoto ijo araut kere, Baptist, Presbbyterian, koraun Ekristayot kotomake. Iany ijo?

Ido-ido ongic ngin kanukon, konye mam ipegasi idiopet kayenice. Naarai, iboro ludidik lu, erucokina kere nepepe. Edolit ngin. Erucosi kere nepepe ido apote kiton aiboisit ngin adiopet.

Ido-ido mamace nuiswamai oni, arai amwasi ai nukaumokin nuiswamai oni, imwasi ai irongan luiukonori oni, arai idiobore kere, kiton nekidolokina oni aiboisit naiminar oni, mere esoswai, konye ebe imina oni idiopet ka yenice. Nekiminar oni onac edio kere, komam ipodo ekanisa loelomunitor ngesi, imina oni nges; mere aituputoro ebe imina oni, naarai ijeni oni ebe erai ngin aomisioit naidiinikit, erai, ibusakinit oni aswam ngun." Konye, naarai iswamai oni ngin, imina oni idiopet ka yenice, kosodi angirikinit, atitinginikin idiopet ka yenice.

Ido eyuunit eong, Ikolosain 3 nepetai 9, nenice kotoma kanen...Aticepak eong...mam eong-eong... Apedori eong ebucarite kotoma Okokoro, konye alimunit Ngina na. Akaulo naka oni araun Ikristayon, mam ebeit oni aliliit. Iany ijo? Mam oni ipedori ajaun kede aiyuun nekitamitor oni ainakin ayongio ka aibuses nejai idiopet ka yenice. Itei ijo, mam oni ipedori aswam ngun; mam oni ipedori ajaut kede aiyuun. Ekoto oni ainakin aibuses nejai Edeke, itei ijo, koinak Nges aibuses. Eyuunit eong inacanaka, abeit cut, nges amin; konye ayongio ka aibuses elosi nejai Edeke! Kanuka e...Konye kojaas kede aiyuun ka amun nejai idiopet ka yenice. "Ido mam isabanakinete idiopet ka yenica." Iany ijo? Mam isabanakinete idiopet ka yenice." Arai alimok eong ijo atupuruc na, "Amina eong ijo," ekoto eong apeleikinite ngin, arai mam, arai eong loka esoswai. Erai ngin cut bec.

95 Kwana, inacan, kotoma okokoro kalo...Kwana, Onac Tommy, amuno eong ebe mam eong adaunit aojau naepol noi kane. Eong...Ejaas Onac Tommy kede icebore yenilimuna kotoma adakikat bon. Konye aticepek amina eong alimun na, neabunio eong toma akidingosikus...

Eyuunit eong na. Eyuunit eong ebe abu Edeke Papawok korapia abekot nanyaritai Mariam, kosodi asubakin tomake ikinyomit yenAokot yenabu itolom Yesu Kristo, loarai Okoku loka Edeke, eyekalu loabu Edeke korapiaror, kotoma akuan, abu kitodiaror akidingosiwok. Ajai Edeke toma Kristo, itupucikini akwap mamKeng." Eyuunit eong ebe ikinyomit yenAokot aponi kicumai ko Calvary, kanuka aisionio naka adiaakanareta. Ido abu Emoyo kolom kamaKeng kosodi abongun toma Okanisa, naarai, Kristo, Emoyo Lokalaunan; Kristo Aijar, ajai do kwana tomawok, Emoyo Lokalaunan, kanuka aibatisao. Aitarauni oni... Abu Kristo kotiakatiakaun, ainakin Akeijar nejai nginidiopet kaoni, tetere oni, kwape atukos naka itunga, ipedori araun Ekanisa loka Edeke.

96 Ido pac...

Atapit eong aitekerenen. Ijenete yesi ngun. Arai papaka eteakeran, ekanoman loapolon. Atapit eong aitekerenen. Icokenenei isio e-e... kotoma aditot naka Arapaho, arai apeleikinit eong Ocilet loka ationis, kalaije komisiri loka Arapaho. Atukot naka Hereford icokienenete kocilet kangol. Ido kotoma kocilet kangol, aiboisio nuidarere akituk, ejaas kesi-kesi kede anya nuipu nuepedorete aitopol. Ido nepedoria aiboisit adiopet naidarere akituk aitolomun etaan ediopet loka anya, ipedori ijo aitorio akiteng nejaas-nejaas anya, kuju kokwap opaak loka Estes ngina, ido ipedori ijo aitorio akiteng nejaas anya ngun-... Akaiboisio nuapolok nuka amej, kuju toma ngina. Ido ecokeneneter eong toma ngina adaun ekaru. Aroko eong alosenenei, kotoma apaarasia nuka aporo ka nuetepia edou, apaarasia nueyengia eong ido apedori, kasodi aiteker atiang, kanu adolore kuju ngina, 'naarai amina eong aiteker. Ido kere kuju ka kwap akerit-...kocilet kangol, ejai atukos naka edarak akituk luejaas kede apedor alomun toma ne, ka acok akecekituk. Ido kotoma apak naka aporo, irwanapu, egangaki kes asimorinikin akituk nepepe kosodete aitekeriar kes kuju ngina.

Ido ejai aigalunet naejululei, nemam kes epedoriata abongor nejaas iboro luka itunga idiopediopen, loijesitoi itorit amagoro. Kiton...Ido ebwoi ekedaran loka amagoro kangina kosodi aimar akituk ngun nakelomaria ngesi toma, nakelomariata kesi toma. Kasodi eong aiboi kanen, apaaran kere, osawa kiton osawa, abu eong asesin atukosike ejakait Grimes' etubor, ajaatar ngesi ko Diamond Bar; nakosi ajai Turkey Track; ido ajaatar kesi Tripod kokwap kosi; ka Jeffrey kaiceda. Kwangin nedokokina eong akakeju, kwape kijeniata yesi luipu, amumwar nuka asigiria, kasodi aiboikin ngina kasodi asesin ekadaran amagoro kwape kabwoio kangina, imari akituk nu.

97 Abu eong amisiik ibore idiopet. Mam apodokinit ejenunet loajai akuanake. Konye ajai ibore idiopet yenemoot ngesi noi, nges amacaret naka aokot. Akoto korai cut akituk nuka ekinyomit loka Hereford arai mam mam apedori alomar kau naka aigalunetkonye ejenunet mam eswamauni adiotegelikinet.

Ido aomit eong ebe koipone kangol nges eburnio ajaun kotoma otube. Mam Nges elosi asesin ijenununetawok, konye abuni Ngesi amoot amacaret naka Aokot.

Eswama eong akaibucanareta, inacan, ido eswama eong ibore luipu lueroko. Ido arai kotoma apak

adio korot arai ayangaut eong, arai ipupunit ijo icebore yenaticepak etetemunit eong arai alimun, yeneyangauni aituguikinet naka ediopone, araibo arai alimunit eong icebore atupuruc na yeneyangauni aituguikinet, elipit eong ijo, kwape onac arai inac nairai Akristayot, itimoi eong. Mam eong apeleikinit aswam ngun. Abukok bon eong ijo ekatau, tetere oni ijenuni.

Arai ejai adiobatisa naebeit aswam, iswamata yesi ngun inacan, ikulepek, itei ijo. Erai ngin, mam-mam eong eswamai. Arai erai eong aswam, eipone ngol abunia eong aibatis, koipone kangol. Ido arai epedori idiopet kayesi acamun ngin, itei jo.

98 Aso ipedori jo alemun itunganan yenibatisatai koKiror loka Papa, koloka Okoku, kaloka Emoyo Lokalaunan, ido ibatisatete bobo koKiror loka Yesu Kristo, aso arai ebatisator eong idiopet...konye mam ber eong ebatisator. Ebatisai eong kokanisaka bon, ido erasi ngul itunga lu angina bon. Ido eipone ngol ibatisaere itunga lu okanisaka. Ido isesen jo kaungina, arai ngol einono lomojong loka ikalimonokinaklukolosek, einono loka ikalimonokinak lukolosek luka Baptist. Ido kwana arai...Kes ngupengun.

Eyuunit eong nuka aitangal naka Edeke, eyuunit eong nuka aibatisao naka Emoyo Lokalaunan. Eyuunit eong nuka einer angajepa komoyo, eyuunit eong nuka adio iinakinete kere na abu Edeke koinak EkanisaKe. Ajai eong kanukec, akwatat kere, konye eyuunit eong....

Mam eong aupasi kede nuipu nuka aitangal naka adoketait nakokuju nuijatatar oni lolo. Akoto ber eong alimun idiobore kane. Sek kokau ajai onac...Ido mam arai Tommy Hicks, onaceka loetiai, loajeni eong kwape ejaanakinan lokabeit loka Kristo. Ajai etunganan ece akwap ace, ido akwap na ajai e...Arai ngesi lo, kanginisawa kere, "eitangalean loka Edeke lo adoketait nakokuju! Eitangalean lo adoketait nakokuju," ijeni jo, kwangin.

Ido abu eong adum ebalua akaulo na etunganan lo a...kotoma okanisa loka Ageresan, ejeni egirigiranika lo ebe ijatatar isio ngin tomaafairo. Mam eong apedori alimun ekiror etunganan kalo, narai mam aputosi kede loka Ikristayon. Kariada mam eong acamanara kede aomisio etunganan kalo, ejokuka ngun kere noi. Amina eong nges. Erai ngesi onaceka.

99 Konye abu kodolok toma aiboisit nabu koyangaikina kes ajaun kede acesubanakineta, arai aibungaunungin, araibo icebore kwape kwangin, itei ijo. Ido, ebe, emamei ngin ajokis, itei ijo. Onac..." Atwasam akuan ejai ajokis naedit."

Ido kwangin ejaanakina lo loka Lutheran abu kiwadikak ejaanakinan lo e-e-ebalua. Ido kobala ebe, "Yesi ikalimonokinak luka America luiponenete ne," ebalu ebe, "kede ikusitangal nakaumokin nejai ngolitunganan!"

Ido kwana apupi do eong na bala ainakinete naketiai kaneajai eong elopet, konye ejeni Edeke ebe mam eong apeleikinit ngin koipone kangol. "Konye" abu ngesi kotema ebe, "Apak-apak neabu Deborah Stadskev kotwania, imukeru ngin, ido abu toto ngin kobwoite kangina apaaran ngin ko India-...ko California, neabu imukeru ngin kotwanitor ido kolilim. Ido aanyunit...aiperikin imukeru ngin toma akanin nuka Onac Branham, ido kobwoi ngesi kangina ido kilipi kanuka ngin. Kosodo imukeru egear aimony ka apetonor; kasodi anyakakin ngin mamake."

100 Ajeni ngesi akiro nuka Mexico da. Nuipedori, oni apesikin akirot nejaas itunga luka Full Gospel Business Men lu. Ajai ijo ajaut kede icebore yenalimunit emuron. Neabu imukeru ngin yeniko Mexico kotwania atupuruc ngin, kosawan iuni, ido arai ne isawan ikany akuar ngin. Abu emuron iwadikau akirosit na. Onac Espinoza, loijenete yesi inacan luka Assembly of God, arai nges abu kolem aiwadikaet ngin kama ejai emuron, ebe abu ngin kotwana.

Kasodi eong aanyun aitapoet kotoma atukos, neapotu itunga ilukumin akaisarei luka Atulik koponiata nejai Kristo, kotoma Ore loka Mexico. Abu eong atema ebe, "Mam ilemuni ngin alemun. Mam eong ajeni, imukeru ngin...abu bon eong aany aitapoet kane."

Ido ajai Billy ngina, atamit, kede luisukunyinikinete itunga akaisauni arai akaisaongon, mam apedorete airiebor aberu ngin kokokoro loka ailipanakinio, kede imukeru ngin. Apedori ngin akerit itorite kiding naka akejenekec, ka nginibore kere. Kwangin, angetakinete, abu eong ejuka Jack Moore kwap, abu eong atema ebe, "Kolot kilipak."

Abu eong angolia kinga ne, kasodi eong aanyun imukeru yenididi yeiko Mexico imuremuria. Abu eong atema ebe, "Kidarek ber ijo mot. Koyangautu ne." Iany ijo? Ido nakedokokina eong akakanin obilangiti ngol...Abu kobuk edou kwap, apaaran kere. Apotu kesi kojaas ebwaasi kanen anyoun tupuruc sek, ido arai do ne isawan ikany akuar ngin. Kasodi eong aidokokin akakanin nejai imukeru. Kogeuni apetonor ka aimony. Kosodete kesi agear elulu.

101 Kwangin do apotu koyangasi ngin ngina kosodete adumun aiwadikaet. Apotu kolototo nejai emuron, kosodi emuron atemar ebe, "Abu eong alimorite ebe atwanit imukeru, atupuruc na kosawan iuni. Abu

kotwana kanuka enimonia." Iany ijo? Ido kwangin do iboro ngul eraas-eraas-eraas abeit. Eraas aitetemunet. Ejai araun kwangin.

Ekoto duc oni araut lumunon ka luinera abeit kanuikamunitos idiobore. Mam itarauni ngin idio...Kojalak kojaun kwape ejaar ngesi. Kojalak ngin...Mam Edeke ipuda adiogange kanuka idiobore. Itei ijo, erai Ngesi-Ngesi Edeke.

102 Kwangin nu abu ngesi kolim kwana, "Konye neabu toto na konyaraunia Onac Branham kotoma America, komonyi mamake kosimu, 'Kobua ne kosodi aitangaleun ikamukeru!' Kosodi apugan naka United States..."

Erai okilenike ejaanakinan kotoma Ajore. Ido ijenete yesi kere Julius, luipu kayesi ejenete; abu iwadik ekaitaabo, Enabi Ipejokini Africa.

Ido toto ngin nakican naka Norway, iluluei, kede ekeporoto kere, ebala ebe, "Onac Branham, abwoi eong kangina apak najaruna imukeru ngin!" Ebala ebe, "Kobua, idokok akonikanin nejai ikakoku, ido ejaruni." Etwanit kotoma adakikat adiopet arai aarei, kede enimonia; adeka bala adaun isawan iwongon, ikany.

Ido itunga ajaas lu ngina, ecelanaros ido iluluei, ido kosomanaros kuju-ka-kwap, kobalas ebe, "Elosi Edeke atonyoun nges! Elosi Edeke aitonyoun nges!" Ido kobalas ebe...

Kanuka ngun, luka American Air-...arai, mere American Airlines. Ajore naka America abeit atoporar eong itwasamaete edege loajore (Jet), ka ainyakun, kotoma apaaran adiopet. Iany ijo?

103 Kasodi eong atemar ebe, "Eroko eong ebuno, eong ber ajen akote naka Ejakait." Kwangin abu eong elip, apaarasia aarei. Ido arai emuron ngol loajok noi acamakin imukeru ngin apero kangina.

Kosodi, atupuruc adiopet, abu eong akweny kasodi ageun alosit toma apiibiro. Abu eong aany ebwoi kangina Aica nepetai nariakasi kede aica ngin, irimirime aiiboisit, ebala ebe, "Mam itirori ngin. Mam isurokini ngin. Erai ngin akan naka Ejakait."

Abu eong aker kau kasodi ainomar esimu akwap, kasodi anyarar kasodi atemar, "Mam eong-eong apedori abunore."

Kosodi ejaanakinan lo loka Lutheran atemar ebe, "Kanukinyo mam ijo idareuna kiton nakidumuna ijo aomisioit naecai kama ejai Edeke, kwape abu Onac Branham iswama? Kosodi do ijo ajenun nuenera ijo."

104 Kwana, nges nen, inacan, korai bon oni enyekikisi asomanakin angetanakin akiro; kosodete aidareun, kasodete adumun aica, aomisioit naidelelei ejok kama ejai Edeke.

Ido nu kere kane, aitangal ikadiakanarak lumam ejenete idiobore yenikamunit Edeke. Eyuunit eong ebe aitangal naka Edeke episikina toma okisil, ebe ibusakinit ijo abunore nejai Edeke, nasodit, kosodi ainakin ekonitau mamaKeng, kosodete ailotar akusijar kotoma Aokot nuka Yesu Kristo, ido kwangin ebuni do Edeke alosit aswam kede ijo kosodi aitangaleun ijo. Kwape abalar onac lo, kanuikamunitos aberu nabu ngesi ilipak kokwap kangina, nakalaunan naka Edeke, itei ijo.

105 Kotoma aijaraka, eswama eong aibucanareta nuipu. Eswama eong iboro luipu lueroko. Abuni eong aticepak, arai ajar eong adaun aojau, abuni eong aswam ice luipu noi. Aticepak luipu kotoma kakesi epote araut aituguinikineta korotokon. Amuno eong ebe itimi ijo eong.

Asiomi eong nukaminitos Aburaam, eipone lo aituguinikineta nu ajaatar ngesi. Eipone loabu ngesi, ikatunga, iboro luabu ngesi iswama; abu ngesi obuonokin Edeke; ido abu ngesi kosab kanuikamunitos akeberu; ka nginibore kere. Konye nakewadikaere aitetemunet naikamunit aijarake naka omoyo kotoma Oromayon 4, mam abu kolim akeibucanareta, konye abala ebe, "Mam Aburaam abu iriangiriangikin." Kotoma amamus aiyuun...kama ejai Edeke, "konye agogong." Akeibucanareta kere aponi imorwokinai, newadikaere akekiro nuka aijar naka omoyo. Aketuguinikineta kere mam aponi karaida kolimunai. Mam aponi itetemunai akeibucanareta.

106 Ido, inacan, amuno eong, ebe nekesiomere akakiro Apaaran kangin, ebe ebuni Nges aiputar nuka, da, ido inyek aoomoom nukec apak ngin. Amuno eong ebe, iswamai ijo da. Kisirereng Edeke ijo.

[Ikunyuni Doctor Tommy Hicks nejai amaikrofon alimun akiro nyuetupakinete-Ekewa.]

[Aomit eong ebe ipedori oni alimun atupuruc na kanu angetakin nginibore kere yenadaun alimun kede akiro kanu: Kristo kotomaka amuno naka aibuses. Kolimutu ngun, okwe. Kristo kotomaka amuno naka aibuses.]

[Ejaas nuidulok ka nuilamara toma aijar naka ediotungan. (Mam eong alosi einer.) Ajaatar eong aisiraret. Eyuunit eong ebe kangolikristayot ajai...?...Yesu...?...Etwamanun ekatau atupuruc na, ido eyuunit eong ebe kanuka luipu kotoma kaoni iceboro luitapasete oni...?...itaraunete oni ikiliok ka angor



nuajokak nuka Edeke.]

[Babe Ruth ajenara kwape Ekabaka loka aitelekanar. Konye ijeni lem ijo ebe arai Babe Ruth Ekabaka loka atwanianar? Abu ngesi inomonom awai irwanapu adepar irwan nuabu ngesi itelekanara. Abu inomonom irwana 1,330; abu ngesi obeik ainom toma irwan 860 bon. Konye ngolisawa loenomina Babe Ruth awai, abongori ngesi aipany nelulukina ekekutan abolia, "Ilemar ijo kinga," abongori ngesi agoola kosodi airigi akekanin kosodi alemun ebela loboliaet kosodi adodiar kuju naka efens, ido alimununei duc ngesi ebe, "Apupi eong erono kanu kangol loecakunenei emopiira kokinga kangina."]

[Emamei ibore yenerono kede ainom awai, konye kiitu; kolem ebela loboliaet...?...naarai Kristo kotomaka amun naka aibuses. Kolimutu bobo ngin, okwe: Kristo kotomaka amun naka aibuses.]

Eebo.

[Erai nginibore kere.]

Edolit ngin.

[Erai nginibore kere.]

Kanginibore. Amen.

[Aleluia. Epeget ka ejie mam epote ainakin aswam iswamaun. Iyapikinit oni noi...]

Amen.

[...nejai ewai loce je. Idolok oni adoketait naemameor abongor. Irwan imwasi ai eiranaritor eong ekapolon loka ajore iworoori edege ainyakun: "Kidolok kwana oni aiboisit naemamei abongor kau."]

[Pac abu eong apup eporoto kotoma akwap ace loabu kenerakinos keong kosodi atemar, "Okoku, idolok ijo toma aiboisit naemameor abongor kau." Akepolou ebe ayapik kwana eong kowai je adepar kwa ajaar eong kotoma aiboisit nabu eong ageunia.]

[Ogolok akonikonye, okwe; kitulur akonikou.]

[Papakosi Lokotoma Akuj. Atupuruc na, eipone loiyalamar isio ka alakara ebe ipedori isio alimun anyoun aidules naka itauonnokosi ka aidules naka ajarakosi ebe, "Kristo kotomaka-Kristo kotomaka, amun naka aibuses." Oo, Yesu, ibwaik akaninikon nuka amin airimunngolikiliokit ka nginiberu, akositapoet ka akosikweny ikeun kuju-kuju, kuju noi, kuju noi adepar iboro luka akwap, tetere isio ianyuni Kristo, kosodete ice aanyun Kristo kotomakosi. Idokok akonikan nejai ngolidiopet kotoma obulesinikon lu...]

Koinakinai ngin, Ejakait.

[...Ebe okwe, kwape kilomaria isio kinga naka aiboisit kana atupuruc na ebe ilosikini isio mam aanyun idiobore dimarai Kristo bon...]

Amen.

[...isukunyunitai akidingos naka idiopet ka yenice. Ejeni isio ebe erai aswam-ejai aswam naepol noi naebeit aswam, Yesu; ejai isakan luipu luekotosi asakio.]

Eebo, Ejakait.

[Oo, ingarakinai isio, Ejakait...]

Eebo Ejakait.

[...ebe imorikikini isio akanin nepepe...]

Koinakinai ngin Ejakait.

[...Ido itor nejaas isakan...]

Eebo, Ejakait.

[...kanu airiun itauon lueolioritos ido kojaas atwakare eroko apak iyapa.]

Eebo, Ejakait.

[Akoto eong ijo aikeun akonikan kosodi aitur Ekiror loka Ejakait Yesu Kristo.]

[Iturete Onac Branham kede itunga Ejakait.]

[Abwoata, elipit. Akoto eong ijo aikeun akonikanin kosodi aiwo kede eong "Amina eong Nges." Ijo

imina Nges...]

Amen.

[...atupuruc na? Ijo imina Nges kede ekonitau kere? Ikeu akonikan kasodete awoere ngol nepepe, "Amina eong Nges."]

[Amina eong Nges, Amina eong Nges,]  
 [Naarai abu Ngesi ageu amin eong,]  
 [Kosodi aitac akaitajario]  
 [Kokitoi loka Calvary.]

[Ijenete yesi ijaanakinak luka aupaka, ko Argentina ijaatar oni itunga luadeparitos 400,000 kotoma aijaanakin adiopet; apak kiton apak ianyunun oni itunga. Ido eitunit eong atibong ngin nasodit, kijaatar oni itunga luadeparitos 400,000 lu awoete ngol kotoma angajep naka Spanish, ido abu eong eira kes ingurungurosi ngol, ido kokinga kangina ajaas itunga luadeparitos 300,000. Apotu isio elipata itunga luajaas kinga aililing aililing neengurungurotor itunga luajaas kinga akiro nuka ekosio kangol. Ido katipet, kwape awootor kesi akosio ngol, ajai icebore yenabu ilaadaekatau. Mam eong ajenunitor lem sek kotoma aijarakana apukokinio naka Kristo kotomaka kiton neapupuna eong iporotoi luka itunga 300,000 kokinga ingurungurosi ngol "Amina eong Nges" kokinga...?...atupuruc na erai ajore napolon nakaumokin naka Ekabaka loka aibuses, ido ewoete kesi. Ingaibo imina ijo? Ingaibo imina ijo?]

Eebo.

[Kristo, Kristo kotomaka.]

Eebo.

[Amun naka aibuses. Ogolok akonikonye, ikeu akonikan, kosodi aiwo bobo, nginidiopet.]

Eebo, Ejakait.

[Amina eong Nges, amina eong Nges,]  
 [Naarai abu Ngesi ageu amin eong]  
 [Kosodi aitac akaitajario]  
 [Kokitoi loka Calvary]

[Arai imina ijo Nges atupuruc na, otun ikiliok iuni arai iwongon luegelegela; ido angor da iswamata kwape kwangin; kosodi atemar ebe, "Amina eong Ejakait yesu Kristo." Edolit ngin; otun...-Ekewa.]

107 337Korai ti eong apedori aanyun aiyalama na kotoma akwap kere, ti eong atema ebe, "Ejakait, kotwar do akonibulesit kotoma ainapakin!"



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7